

魏書目錄

卷一之三

內閣文庫		
番號	漢	1836
冊數	500 (147)	
函號	冊	10 1

漢書  
特十号丁  
一八三六  
共五〇〇  
獅





魏書目錄

淺草文庫

魏收撰

皇明朝列大夫國子監祭酒臣李廷機

承直郎國子監司業臣方從哲等奉

勅重校刊

帝紀一十二卷十四卷

列傳九十二卷九十六卷

志十卷二十卷

共一百三十卷

帝紀

魏書卷一

帝紀第一

萬曆二十四年刊

魏書目錄



成帝 毛

節帝 貨

莊帝 觀

明帝 樓

安帝 越

宣帝 推寅

景帝 利

元帝 俟

和帝 肆

定帝 機

僖帝 蓋

威帝 僧

獻帝 隣

聖武帝 詰汾

始祖神元帝 力微

文帝 沙漠汗

章帝 悉鹿

平帝 綽

思帝 弗

昭帝 祿官



桓帝 倚危

穆帝 倚危

太祖平文帝 鬱律

惠帝 賀儻

煬帝 紇那

烈帝 翳槐

昭成帝 什翼犍

魏書卷二

帝紀第二

太祖道武帝 身

魏書卷三 闕

帝紀第三

太宗明元帝 嗣

魏書卷四上

帝紀第四上

世祖太武帝 燾

魏書卷四下

帝紀第四下

世祖太武帝

恭宗景穆皇帝 晃附



魏書卷五

帝紀第五

高宗文成帝 濬

魏書卷六

帝紀第六

顯祖獻文帝 弘

魏書卷七上

帝紀第七上

高祖孝文帝 宏

魏書卷七下

帝紀第七下

高祖孝文帝

魏書卷八

帝紀第八

世宗宣武帝 恪

魏書卷九

帝紀第九

肅宗孝明帝 詧

魏書卷十

帝紀第十



敬宗孝莊帝 子攸

魏書卷十一

帝紀第十一

前廢帝廣陵王 恭

後廢帝安定王 朗

出帝平陽王 脩

魏書卷十二 闕

帝紀第十二

孝靜帝 善見

列傳

魏書卷十三 闕

后妃第一

神元皇后竇氏

文帝皇后封氏 次妃 蘭氏

桓帝皇后祁氏

平文皇后王氏

昭成皇后慕容氏

獻明皇后賀氏

道武皇后慕容氏

道武宣穆皇后劉氏

明元昭哀皇后姚氏

明元密皇后杜氏 太武惠太 后竇氏

太武皇后赫連氏

太武敬哀皇后賀氏

景穆恭皇后郁久闔氏 文成昭太 后常氏



文成文明皇后馮氏 文成元皇后李氏

獻文思皇后李氏 孝文貞皇后林氏

孝文廢皇后馮氏 孝文幽皇后馮氏

孝文昭皇后高氏 宣武順皇后于氏

宣武皇后高氏 宣武靈皇后胡氏

孝明皇后胡氏 孝靜皇后高氏

魏書卷十四 闕

列傳第二神元平文諸帝子孫

上谷公紇羅 子襄城王題 建德公嬰文

真定侯陸 曾孫軌 武陵侯因

長樂王壽樂 望都公頽

曲陽侯素延 順陽公郁

宜都王目辰 穆帝長子六脩

吉陽男比干 江夏公呂

高涼王孤 六世孫華山王鷲 長子子華 子華弟子思 孤六世孫上黨王天穆

西河公敦 司徒石

武衛將軍謂 子烏真 烏真子興都 興都子東陽王丕

淮陵侯大頭 河間公齊 孫志

扶風公處真 文安公泥 子屈 屈子磨渾

魏書卷十五 闕

萬曆二十四年刊

魏書目錄

六



列傳第三昭成子孫

寔君

秦王翰

子衛王儀  
子中山王纂

幹 幹子楨 楨子端  
儀弟陰平王烈 秦王觚

常山王遵

子素 素子可悉陵  
昭子玄 弟紹 可悉陵弟子忠

忠子壽興 忠弟孫焜  
忠子暉

陳留王虔

子朱提王悅 崇  
虔兄顓 顓子輪

毗陵王順

遼西公意烈

子拔干 拔  
于會孫洪超

意烈弟子栗 渾  
渾子庫汗

窟咄

魏書卷十六

列傳第四道武七王

清河王紹

陽平王熙

子臨淮王他  
他曾孫世遵

世遵弟子忻之 世遵弟禹  
他孫法壽 法僧

河南王曜

子穎川王提 提子平原  
平原子鑒 和

河間王脩

略陽王羯兒 長樂王處文

廣平王連

南平王渾 渾子霄  
霄曾孫仲周

京兆王黎

江陽王繼 繼子義  
羅 爽 繼弟羅侯

魏書卷十七

闕

列傳第五明元六王

樂平王丕

安定王彌

樂安王範

子良

永昌王健

子仁



建寧王崇

新興王俊

魏書卷十八 闕

列傳第六大武五王

晉王伏羅

東平王翰

臨淮王譚

子提 孝友

提子昌 昌弟孚

昌子彥

廣陽王建閻

子嘉 深子湛

嘉子深

南安王余

魏書卷十九上 闕

列傳第七景穆十二王上

陽平王新成

子願 衍弟欽

衍

衍子融 欽子子孝

京兆王子推

子太興 暹

太興弟遙

恒

太興子仲景

濟陰王小新成

孫弼 鬱弟子

弼子暉業

鬱弟麗

昭業

麗子顯和

汝陰王天賜

孫慶和 脩義

天賜子汎

樂良王萬壽

曾孫 忠

廣平王洛侯

濟南王

魏書卷十九中

列傳第七中景穆十二王中

任城王雲

子澄 澄弟嵩

澄子彝

順

順子嗣

嵩弟瞻

嵩弟瞻

魏書卷十九下

列傳第七下景穆十二王下

南安王楨

子中山王英 略

英子熙 熙弟義興

熙弟東平王

英弟怡

萬曆二十四年刊

魏書目錄



怡子魯郡王肅  
東海王曄

城陽王長壽子鸞  
鸞子徽

章武王太洛嗣王彬  
東安王疑

彬子融

樂陵王胡兒嗣王思譽

安定王休子燮  
貴平

願平

魏書卷二十闕

列傳第八文成五王

安樂王長樂子詮  
斌之

詮子鑒

廣川王略子諧

齊郡王簡子祐

河間王若嗣王琛

安豐王猛子延明

魏書卷二十一上

列傳第九上獻文六王上

咸陽王禧子翼  
曄樹

趙郡王幹子謚  
譚謙

廣陵王羽子欣

高陽王雍子端  
昌樂王誕獻

北海王詳子顥  
瑱

魏書卷二十一下

列傳第九下獻文六王下

彭城王勰子劭  
子正子道

魏書卷二十二闕

列傳第十孝文五王

廢太子恂

京兆王愉子寶炬

清河王懌

廣平王懷



汝南王悅

魏書卷二十三

列傳第十一

衛操 衛雄 姬澹

莫舍 孫題 雲

劉庫仁 弟眷 族人奴真 奴真兄健

魏書卷二十四

列傳第十二

燕鳳 許謙 子洛陽

張袞 孫誕 袞子度 度曾孫白澤 白澤子倫

崔玄伯 弟徽 鍾 肱 崔寬 寬父剖 高陵 崔道固 衡子

道固兄子僧祐 僧淵 僧淵從弟和 和子軌 董謐 祖焯 祖虬 僧淵從弟和 和子軌 董謐 祖焯

鄧淵 子頽 頽弟孫羨 羨子躒 頽子宗慶

魏書卷二十五

列傳第十三

長孫嵩 子頽 頽子敦 長孫道生 孫觀 觀子稚 稚子子彥

魏書卷二十六

列傳第十四

長孫肥 子翰 肥弟孫真 陳蘭 尉古真 弟小諾 諾子春 春子多侯

多侯弟子慶賓 古真族玄孫瑾 春弟地干

魏書卷二十七

萬曆二十四年刊

魏書目錄



列傳第十五

穆崇

孫真 真子泰 崇子觀 觀子壽 壽孫  
熙 熙子建 熙弟亮 亮子紹 壽弟多  
侯 觀弟會 孫弼 觀弟顛 崇宗人醜善  
醜善 孫鑣 鑣孫子琳 良

魏書卷二十八

列傳第十六

和跋

子歸

奚牧

莫題

庾業延

賀狄干

李栗

劉潔

古弼

張黎

魏書卷二十九

列傳第十七

奚斤

子他 觀 斤弟 孫瓌

孫晉 具奴

叔孫建

子俊 隣

魏書卷三十

列傳第十八

王建

子斤 孫度 建曾孫樹

安同

子原 同弟子 難

樓伏連

兄曾孫毅

仝堆

娥清

劉尼

奚眷

車伊洛

宿石

來大千



周幾

豆代田

周觀

閻大肥

尉撥

陸真

呂洛拔

子文祖

魏書卷三十一

列傳第十九

于栗磾

子洛拔

烈弟

拔

子烈

烈子祚

忠

魏書卷三十二

列傳第二十

高湖

子謐

謐子

湖生

謐兄真

拔弟

湖兒

曾孫幹

崔逞

子曠

逞兄玄孫隆宗

封懿

子玄之

玄之弟子

磨奴

族子回

回子

祐

回族叔

魏書卷三十三

列傳第二十一

宋隱

弟輔

叔父洽

宣孫瓊

王憲

子焜

焜子雲

屈遵

孫恒

道賜

拔

張蒲

子昭

昭子靈符

谷渾

孫洪

洪子頴

士恢

公孫表

子軌

軌子獻

李先

孫子預

張濟

賈彝

子秀

秀子儁

儁從曾孫禎

禎兒



子景儁  
景興

薛提

魏書卷三十四 關

列傳第二十二

王洛兒

車路頭

盧魯元 子統內

陳建

萬安國 奚拔

魏書卷三十五

列傳第二十三

崔浩

魏書卷三十六

列傳第二十四

李順 子敷弟奕

式

式子憲

憲子希宗

騫式

裔弟仲琰 秀林從弟煥  
族人曄 族孫同軌

族子肅 肅從弟敷

秀林子 敷從

魏書卷三十七

列傳第二十五

司馬休之 子文思

司馬楚之 孫悅

司馬景之 允準之

司馬叔璠 子靈壽 弟子仲明

魏書卷三十八

司馬天助

萬曆二十四年刊

魏書目錄

三



列傳第二十六

刁雍

子肅 肅子整 雍族孫雙

王慧龍

子寶興 寶興子瓊 瓊子遵業

韓延之

袁式

魏書卷三十九

列傳第二十七

李寶

子承 承子韶 承弟茂 茂孫遐

韶

子瑾 韶弟彥 彥弟輔 輔子伯尚

仲尚 神雋

季凱 輔弟佐 韶從弟仲遵

佐子東 韶從叔思穆

魏書卷四十

列傳第二十八

陸俟

子敬 敬子琇 敬弟麗 麗子定國

凱子暉 恭之

定國子昕之 昕之

從兄子子彰 希質 麗弟龍成

定國弟戲 龍成子昶

戲子希道 昶族子雋

魏書卷四十一

列傳第二十九

源賀

子懷 懷子子雍 子雍弟子恭

子雍子延伯

魏書卷四十二

列傳第三十

薛辯

子謹 謹子拔 拔弟孫慶之

拔子胤 拔弟子和

寇讚

子臻 臻子治

酈範

子道慎 道慎弟子暉 道約

韓秀

子務

堯暄

魏書卷四十三

萬曆二十四年刊

魏書目錄

一百



列傳第三十一

嚴稜

毛脩之

朱脩之

唐和

兄子玄達

劉休賓

子文暉

房法壽

房堅

法壽從弟

伯玉

從祖弟崇吉

崇吉從弟士達

法壽族子景伯

景先

景遠

魏書卷四十四

列傳第三十二

羅結

子斤

斤孫伊利

伊駸

孫益生

乙瓌

子乾歸

乾歸孫瑗

和其奴

苟頽

薛野睹

子虎子

虎子子曇尚

宇文福

子延

費子

孫穆

孟威

魏書卷四十五

列傳第三十三

韋閔

孫雋

從叔道福

道福從孫

元恢

閔從

族弟珍

珍子纘

或

朏

梁頽

蘇湛

頽族曾孫

高遵

杜銓

族孫顥

裴駿

子脩

脩子詢

脩弟宣

辛紹先

孫祥

少雍

紹先子穆

柳崇

魏書卷四十六

漢曆二十四年刊

魏書目錄

十五



列傳第三十四

竇瑾 子遵

許彥 子宗之 孫絢 許赤虎 宗之兄曾

李訢

魏書卷四十七

列傳第三十五

盧玄 子度世 度世子淵 淵子道將 道虔 淵弟子義僖 淵弟昶 昶子元明

玄從祖兄溥

魏書卷四十八

列傳第三十六

高允 孫綽 劉模 允弟維

魏書卷四十九

列傳第三十七

李靈 子恢 恢孫悅 恢弟子道 道子系 系子宣茂

崔鑿 子秉 秉子仲哲

魏書卷五十

列傳第三十八

尉元 子羽 慕容白曜 子真安 弟子契

魏書卷五十一

列傳第三十九

韓茂 子均 皮豹子 子喜



封勅文

呂羅漢 祖顯 父溫

孔伯恭

魏書卷五十二

列傳第四十

趙逸

兄溫 從玄孫超宗 命勝 叔隆

胡方回

胡叟

宋繇

曾孫稚

張湛

兄懷義

宗欽

段承根 父暉

闕駟

劉昞

趙柔

索敞 陰世隆

陰仲達

弟子遵和 遵和兄子道方

魏書卷五十三

列傳第四十一

李孝伯

父曾 兄祥 弟安世 子瑒 郁

李冲

魏書卷五十四

列傳第四十二

游雅

高閭

魏書卷五十五

列傳第四十三



游明根

子肇

劉芳

子厥 厥子騰

芳從

子懋 芳族兄 僧利

僧利子世明

魏書卷五十六

列傳第四十四

鄭羲

子懿 伯猷

道昭 輯之

道昭子嚴祖 羲弟連山

義兄孫幼儒 連山孫先護

義從兄孫季亮

崔辨

子逸 逸弟模 楷

魏書卷五十七

列傳第四十五

高祐

孫顯 諒

崔挺

子孝芬 孝芬弟孝暉 孝暉子勉

孝直 元珍 孝政 從祖弟敬邕

挺弟振 振子子朗 敬邕從弟接 挺從父弟 挺族子纂

纂從祖弟遊

魏書卷五十八

列傳第四十六

楊播

子侃 椿弟津

播弟椿 津子滄

椿子昱 逸

昱子孝邕

魏書卷五十九

列傳第四十七

劉昶

子輝 劉武英

蕭寶夤

兄子贊

蕭正表

魏書卷六十

列傳第四十八



韓麒麟 孫子熙 麒麟子顯宗

程駿 從祖弟子靈虬

魏書卷六十一

列傳第四十九

薛安都 孫巒 安都從弟真度 真度子懷吉 懷雋

畢眾敬 子元賓 元賓子祖栝 祖暉 眾敬弟子聞慰 申纂 常珍奇

沈文秀 房天樂 文秀族子陵

張讜

田益宗 董巒 陳伯之

孟表

魏書卷六十二

列傳第五十

李彪 子志

高道悅

魏書卷六十三

列傳第五十一

王肅 兄子誦 翊 衍

朱弁 子維 紀

魏書卷六十四

列傳第五十二

郭祚

張彝 子始均

魏書卷六十五

列傳第五十三

邢巒 子遜 巒從叔虬 巒弟晏

李平 子獎 諧

魏書卷六十六



列傳第五十四

李崇

子世哲  
神軌

崔亮

從弟光韶  
光伯

魏書卷六十七

列傳第五十五

崔光

子勵  
光從弟長文 敬友子鴻

鴻子子元

魏書卷六十八

列傳第五十六

甄琛

子侃  
張纂  
琛從弟宣 密

高聰

魏書卷六十九

列傳第五十七

崔休

裴延儁

從叔子夙  
良從兄子慶

孫延儁從弟仲規  
景顏延儁族兄

仲規弟子景融  
族大瑗

袁翻

魏書卷七十

列傳第五十八

劉藻

子紹珍

傅永

傅豎眼

祖父融  
子敬和

伯父靈慶  
從子文驥

父靈越

李神

魏書卷七十一

萬曆二十四年刊

魏書目錄

二



列傳第五十九

裴叔業

孫譚 子芬之 彥先子約

藹之 弟絢

兄子彥先 叔業兄子植

颺 祭

衍 尹挺 楊令寶

柳玄達 弟子諧

玄達子遠 魏承祖

梁祐 柳僧習

閻慶胤

夏侯道遷

子夬

李元護

子會

席法友

王世弼

子田

江悅之

子文遙 果

龐樹 文遙子 李忻

榮 張元亮 辛諶 姜永

士孫天與 永弟漾

庾導 羅道珍 皇甫微

王安世

淳于誕

李苗

魏書卷七十二

列傳第六十

陽尼

從孫藻 藻從弟固

藻子弼

賈思伯

弟思同

李叔虎

從子長仁 長仁從子象

路恃慶

弟思令 雄從弟法常

從叔雄

房亮

曹世表

潘永基

朱元旭

魏書卷七十三

列傳第六十一

奚康生

子難

楊大眼

崔延伯

魏書卷七十四

列傳第六十二



尔朱荣

魏書卷七十五

列傳第六十三

尔朱兆

尔朱彥伯

弟仲遠 世承

世隆 弼

尔朱度律

尔朱天光

魏書卷七十六

列傳第六十四

盧同

張烈

弟僧皓

魏書卷七十七

列傳第六十五

宋翻

弟道輿

辛雄

從兄纂 深子 悠

族祖深

琛族子珍之

羊深

楊機

高崇

子謙之 儒 緒

謙之子 子崇 子道穆

魏書卷七十八

列傳第六十六

孫紹

張普惠

魏書卷七十九

列傳第六十七

成淹

子霄

范紹

劉桃符

劉道斌



董紹

馮元興

曹道  
曹昂

曹昇

鹿念

張熠

魏書卷八十

列傳第六十八

朱瑞

叱列延慶

斛斯椿

賈顯度

弟智

樊子鵠

賀拔勝

弟岳

侯莫陳悅

侯淵

魏書卷八十一

闕

列傳第六十九

綦儁

山偉

劉仁之

宇文忠之

魏書卷八十二

闕

列傳第七十

李琰之

祖瑩

常景

魏書卷八十三上

列傳第七十一上外戚上

賀訥

弟盧  
悅子泥

從弟悅

劉羅辰

姚黃眉

杜超

弟子元寶



賀迷

閻毗 常英

馮熙 子誕 子穆 脩

李峻

李惠 從孫侃晞

魏書卷八十三下 闕

列傳第七十一 下外戚下

高肇 子植

于勁

胡國珍 兄曾孫虔

李延寔

魏書卷八十四 不全

列傳第七十二 儒林

梁越

盧醜

張偉

梁祚

平恒

陳奇

常爽

劉獻之

張吾貴

劉蘭

孫惠蔚

徐遵明

董徵

刁冲

盧景裕

李同軌

李業興

魏書卷八十五 闕

列傳第七十三 文苑



袁躍子業脩

裴敬憲

盧觀

封肅

邢臧

裴伯茂

邢昕

溫子昇

魏書卷八十六

列傳第七十四孝感

趙琰

長孫慮

乞伏保

孫益德

董洛生

楊引

閻元明令孤仕  
董吐渾

皇甫奴  
兄養

吳悉達崔承宗

王續生

李顯達

張昇

倉跋

王崇

郭文恭

魏書卷八十七

列傳第七十五節義

于什門

段進

石文德

趙令安  
孟蘭強

汲固

王玄威

婁提蛭拔寅

劉渴侯

朱長生



于提

馬八龍

門文愛

晁清

劉侯仁

石祖興

邵洪哲

王榮世

胡小虎

孫道登

李几

張安祖

王閭劉業興  
蓋雋

魏書卷八十八

列傳第七十六良吏

張恂

鹿生

張應

宋世景子季儒

路邕

閻慶胤

明亮

杜纂

裴佗

竇瑗

羊敦

蘇淑

魏書卷八十九

列傳第七十七酷吏

于洛侯

胡泥

李洪之

高遵

張赦提趙霸

羊祉



崔暹

酈道元

谷楷

魏書卷九十

列傳第七十八逸士

陸夸

馮亮

李謐

鄭脩

魏書卷九十一

不全

列傳第七十九術藝

晁崇

張淵

徐路 高崇祖 孫僧化 信都芳

殷紹

王早

耿玄

劉靈助

江式

周澹

李脩

徐審

王顯

崔彧

蔣少游

侯文和

范甯兒

魏書卷九十二

不全

列傳第八十列女

崔覽妻封氏

封卓妻劉氏

魏溥妻房氏

胡長命妻張氏

平原女子孫氏

房愛親妻崔氏



涇州貞女兕先氏

姚氏婦楊氏

張洪初妻劉氏

董景起妻張氏

陽尼妻高氏

史映周妻耿氏

任城國太妃孟氏

苟金龍妻劉氏

盧元禮妻李氏

河東孝女姚氏

刁思遵妻魯氏

魏書卷九十三

列傳第八十一恩倖

王叡

子襲

叡弟子翔

椿妻魏氏

王仲興

寇猛

趙脩

茹皓

劉中胃

常季子賢

趙邕

侯剛

鄭儼

徐紇

魏書卷九十四

列傳第八十二閹官

宗愛

仇洛齊

子儼

段霸

王琚

趙黑

子熾

孫小

張宗之

妻兄子蕭彥

劇鵬

兄買奴

季子豐

張祐

子慶

抱疑

從弟老壽



王遇

苻承祖

王質

李堅

秦松

白整

劉騰

賈粲

楊範

成軌

王溫

孟鸞

平季

封津兄憑

劉思逸

張景嵩

毛暢

魏書卷九十五

列傳第八十三

匈奴劉聰

父淵

子榮

羯胡石勒

子大雅

虎子世

遵

鑿

井閔

弗劉虎

子務桓

務桓子悉

勿祈

衛辰

子定

徒河慕容廆

子元真

子暉

泓

沖

鹿弟孫承

元真子垂

垂子

德

德允子超

臨渭氏苻健

父洪

登子丕

丕族子登

兗姚萇

父弋仲

興子泓

略陽氏呂光

子紹

纂

纂從弟隆

魏書卷九十六

列傳第八十四

僭晉司馬叡

子紹

紹子衍

岳

岳子曄

奔



宗 德文

特弟子壽 壽子勢

賓李雄父特 兄班 叔父流 旌子期

魏書卷九十七

列傳第八十五

島夷桓玄

海夷馮跋弟文通

島夷劉裕子義符 子子業

義隆 義隆子劭 駿 駿 義隆子彧 彧子昱 準

魏書卷九十八

列傳第八十六

島夷蕭道成

子蹟 蹟孫昭業 鸞子寶卷 寶融

道成兄子鸞

島夷蕭衍

魏書卷九十九

列傳第八十七

私署涼州牧張寔

父軌 寔弟茂 寔子駿 駿 子重華 重華子曜 曜子靈 靈子熾 熾子磐 磐子暮

祚 重華子玄靖 駿子天錫

鮮卑乞伏國仁子熾 熾子磐 磐子暮

鮮卑秃髮烏孤弟利鹿孤 僣檀

盧水胡沮渠蒙遜子牧捷 乘

私署涼王李暠子歆 旬

牧捷兄子萬年 祖 蒙遜子安周 無諱

魏書卷一百

列傳第八十八

高句麗

百濟



勿吉

失韋

豆莫婁

地豆干

庫莫奚

契丹

烏洛侯

魏書卷一百一 闕

列傳第八十九

氏楊難敵

吐谷渾 乙弗勿敵國 阿蘭國 女玉

宕昌羌

高昌

鄧至

蠻

僚

魏書卷一百二 闕

列傳第九十

西域

鄯善 且末 于闐 蒲山 悉居半 權  
於摩 渠莎 車師 且彌 焉耆 龜茲

姑默

溫宿 尉頭 烏孫 疏勒 悅般 耆  
至拔 迷密 悉萬斤 忸密 洛那 粟特

波斯

伏盧尼 色知顯 伽色尼 薄知 牟  
知 阿弗大汗 呼似密 諾色波羅 早伽至

伽不單

者舌 伽倍 折薛莫孫 鉗敦 弗  
敵沙 閻浮謁 大月氏 安息 大秦 阿耨

兔

波路 小月氏 罽賓 吐呼羅 副貨  
南天竺 疊伏羅 拔豆 厭蹇 朱居 渴槃

池

鉢和 波知 除彌  
烏婁 乾陀 康國

魏書卷一百三 闕

列傳第九十一



蠕蠕

魏書目錄

匈奴宇文莫槐

徒河段就六眷

高車

吐突隣部  
紇奚

侯呂隣部  
紇突隣

薛于部  
破多蘭部  
越勒倍泥部

黜弗素古延部

魏書卷一百四

闕

列傳第九十二

序傳

志

魏書卷一百五

志第一

天象一之一

魏書卷一百五

志第二

天象一之二

魏書卷一百五

闕

志第三

天象一之三

魏書卷一百五

闕

志第四

天象一之四

魏書卷一百六

萬曆二十四年刊

魏書目錄



志第五

地形二上四

魏書卷一百六

志第六

地形二中二

魏書卷一百六

志第七

地形二下二

魏書卷一百七

志第八

律歷三上

魏書卷一百七

志第九

律歷三下

魏書卷一百八

志第十

禮四之一

魏書卷一百八

志第十一

禮四之二

萬曆二十四年刊

魏書目錄

三



魏書卷一百八

志第十二

禮四之三

魏書卷一百八

志第十三

禮四之四

魏書卷一百九

志第十四

樂

魏書卷一百十

志第十五

食貨

魏書卷一百一十一

志第十六

刑罰

魏書卷一百一十二

志第十七

靈徵上

魏書卷一百一十二

志第十八



靈徵下

魏書卷一百一十三

志第十九

官氏

魏書卷一百一十四

志第二十

釋老

魏書目錄終

魏書十二紀九十二列傳十志凡一百一十四篇舊分  
爲一百三十卷北齊尚書右僕射魏收撰初魏史官鄧  
淵崔浩高允皆作編年書遺落時事三不存一太和中  
李彪崔光始分紀傳表志之目宣武時邢巒撰高祖起  
居注崔鴻王遵業補續下逮明帝其後溫子昇作莊帝  
紀三卷濟陰王暉業撰辨宗室錄三十卷魏末山偉以  
代人諂附元天穆尔朱世隆與綦儁更主國書二十餘  
年事迹蕩然萬不記一北齊文宣天保二年詔魏收修  
魏史博訪百家譜狀搜采遺軼包舉一代始終頗爲詳  
悉收所取史官本欲才不逮已故房延祐辛元植睦仲



刀柔裴昂之高孝幹皆不工纂述其三十五例二十五  
序九十四論前後二表一啓咸出於收五年表上之悉  
焚崔李舊書收黨齊毀魏褒貶肆情時論以爲不平文  
宣命收於尚書省與諸家子孫訴訟者百餘人評論收  
始亦辨荅後不能抗范陽盧斐頓丘李庶太原王松年  
並坐謗史受鞭配甲坊有致死者衆口沸騰號爲穢史  
時僕射楊愔高正德用事收皆爲其家作傳二人深黨  
助之抑塞訴辭不復重論亦未頒行孝昭皇建中命收  
更加審覈收請寫二本一送并省一付鄴下欲傳錄者  
聽之羣臣競攻其失武成復敕收更易刊正收旣以魏  
史招衆怨咎齊亡之歲盜發其冢棄骨于外隋文帝以  
收書不實平繪中興書叙事不倫命魏澹顏之推辛德  
源更撰魏書九十二卷以西魏爲正東魏爲僞義例簡  
要大矯收繪之失文帝善之煬帝以澹書猶未盡善更  
敕楊素及潘徽褚亮歐陽詢別修魏書未成而素卒唐  
高祖武德五年詔侍中陳叔達等十七人分撰後魏北  
齊周隋梁陳六代史歷年不成太宗初從祕書奏罷修  
魏書止撰五代史高宗時魏澹孫同州刺史克已續十  
志十五卷魏之本系附焉唐書藝文志又有張大素後  
魏書一百卷裴安時元魏書三十卷今皆不傳稱魏史



者惟以魏收書為主焉孔子稱質勝文則野文勝質則史三代文章莫盛於周東周秦漢雖戰爭喪亂前古遺風餘烈流而未絕賢君忠臣蹈道之徒功業行誼彰灼顯布高才秀士詞章論議諫諍辯說嘉謀奇策皆可以驚聽動俗爲後世軌範而左丘明司馬遷班固以良史之才博學善叙事不虛美隱惡故傳之簡牘千餘年而不磨滅東漢魏晉去聖人稍遠史官才益淺薄永興失政戎狄亂華先王之澤掃地盡矣拓跋氏乘後燕之衰蠶食并冀暴師喋血三十餘年而中國略定其始也公卿方鎮皆故部落酋大雖參用趙魏舊族往往以猜忌夷滅爵而無祿故吏多貪墨刑法峻急故人相殘賊不貴禮義故士無風節貨賂大行故俗尚傾奪遷洛之後稍用夏禮宣武柔弱孝明冲幼政刑弛緩風俗媮惡上下相蒙紀綱大壞母后亂於內羣盜撓其外禍始於六鎮釁成於余朱國分爲二而亡矣雖享國百餘年典章制度內外風俗大抵與劉石慕容苻姚略同道武太武暴戾甚於聰虎孝文之彊不及苻堅其文章儒學之流旣無足紀述謀臣辯士將帥功名又不可希望前世而修史者言詞質俚取捨失衷其文不直其事不核終篇累卷皆官爵州郡名號雜以冗委瑣曲之事覽之厭而



遺忘學者陋而不習故數百年間其書亡逸不完者無慮三十卷今各疏于逐篇之末然上繼魏晉下傳周齊隋唐六十年廢興大略不可闕也臣放臣恕臣燾臣祖禹謹叙目錄昧死上

魏書卷一 序紀第一

皇明朝列大夫國子監祭酒臣李廷機

承直郎國子監司業臣方從哲等奉

勅重校刊

昔黃帝有子二十五人或內列諸華或外分荒服昌意少子受封北土國有大鮮卑山因以爲號其後世爲君長統幽都之北廣漠之野畜牧遷徙射獵爲業淳樸爲俗簡易爲化不爲文字刻木紀契而已世事遠近人相傳授如史官之紀錄焉黃帝以上德王北俗謂土爲托謂后爲跋故以爲氏其裔始均入仕堯世逐女魃於弱



水之北民賴其勤帝舜嘉之命為田祖爰歷三代以及  
秦漢獯鬻獫狁山戎匈奴之屬累代殘暴作害中州而  
始均之裔不交南夏是以載籍無聞焉積六十七世至  
成皇帝諱毛立聰明武略遠近所推統國三十六大姓  
九十九威振北方莫不率服崩

節皇帝諱貸立崩

莊皇帝諱觀立崩

明皇帝諱樓立崩

安皇帝諱越立崩

宣皇帝諱推寅立南遷大澤千餘里厥土昏冥沮洳

謀更南徙未行而崩

景皇帝諱利立崩

元皇帝諱俟立崩

和皇帝諱肆立崩

定皇帝諱機立崩

僖皇帝諱蓋立崩

威皇帝諱儉立崩

獻皇帝諱隣立時有神人言於國曰此土荒遐未足以

建都邑宜復徙居帝時年衰老乃以位授子

聖武皇帝諱詰汾獻帝命南移山谷高深九難八阻於



是欲止有神獸其形似馬其聲類牛先行導引歷年乃  
出始居匈奴之故地其遷徙策略多出宣獻二帝故人  
並號曰推寅蓋俗云鑽研之義初聖武帝嘗率數萬騎  
田於山澤欵見輜軒自天而下既至見美婦人侍衛甚  
盛帝異而問之對曰我天女也受命相偶遂同寢宿旦  
請還曰明年周時復會此處言終而別去如風雨及期  
帝至先所田處果復相見天女以所生男授帝曰此君  
之子也善養視之子孫相承當世爲帝王語訖而去子  
卽始祖也故時人諺曰詰汾皇帝無婦家力微皇帝無  
舅家帝崩

始祖神元皇帝諱力微立生而英叡

元年歲在庚子先是西部內侵國民離散依於沒鹿回  
部大人竇賓始祖有雄傑之度時人莫測後與賓攻西  
部軍敗失馬步走始祖使人以所乘駿馬給之賓歸令  
其部內求與馬之人當加重賞始祖隱而不言久之賓  
乃知大驚將分國之半以奉始祖始祖不受乃進其愛  
女賓猶思報恩固問所欲始祖請率所部北居長川賓  
乃敬從積十數歲德化大洽諸舊部民咸來歸附  
二十九年賓臨終戒其二子使謹奉始祖其子不從乃  
陰謀爲逆始祖召殺之盡并其衆諸部大人悉皆欵服



控弦上馬二十餘萬

三十九年遷於定襄之盛樂夏四月祭天諸部君長皆來助祭唯白部大人觀望不至於是徵而戮之遠近肅然莫不震懾始祖乃告諸大人曰我歷觀前世匈奴蹋頓之徒苟貪財利抄掠邊民雖有所得而其死傷不足相補更招寇讎百姓塗炭非長計也於是與魏和親

四十二年遣子文帝如魏且觀風土魏景元二年也文皇帝諱沙漠汗以國太子留洛陽爲魏賓之冠聘問交市往來不絕魏人奉遺金帛繒絮歲以萬計始祖與隣國交接篤信推誠不爲倚伏以要一時之利寬恕任真而遐邇歸仰魏晉禪代和好仍密始祖春秋已邁帝以父老求歸晉武帝具禮護送

四十八年帝至自晉

五十六年帝復如晉其年冬還國晉遺帝錦罽繒綵綿絹諸物咸出豐厚車牛百乘行達并州晉征北將軍衛瓘以帝爲人雄異恐爲後患乃密啓晉帝請留不遣晉帝難於失信不許瓘復請以金錦賂國之大人令致間隙使相危害晉帝從之遂留帝於是國之執事及外部大人皆受瓘貨

五十八年方遣帝始祖聞帝歸大悅使諸部大人詣陰



館迎之酒酣帝仰視飛鳥請諸大人曰我爲汝曹取之  
援彈飛丸應弦而落時國俗無彈衆咸大驚乃相謂曰  
太子風采被服同於南夏兼奇術絕世若繼國統變易  
舊俗吾等必不得志不若在國諸子習本淳樸咸以爲  
然且離間素行乃謀危害金先馳還始祖問曰我子旣  
歷他國進德何如皆對曰太子才藝非常引空弓而落  
飛鳥是似得晉人異法怪術亂國害民之兆惟願察之  
自帝在晉之後諸子愛寵日進始祖年踰期頤頗有所  
惑聞諸大人之語意乃有疑因曰不可容者便當除之  
於是諸大人乃馳詣塞南矯害帝旣而始祖甚悔之帝

身長八尺英姿瓌偉在晉之日朝士英俊多與親善雅  
爲人物歸仰後乃追謚焉其年始祖不豫烏丸王庫賢  
親近任勢先受衛瓘之貨故欲沮動諸部因在庭中礪  
鉞斧諸大人問欲何爲答曰土恨汝曹讒殺太子今欲  
盡收諸大人長子殺之大人皆信各各散走始祖尋崩  
凡饗國五十八年年一百四歲太祖卽位尊爲始祖  
章皇帝諱悉鹿立始祖之子也諸部離叛國內紛擾饗  
國九年而崩

平皇帝諱綽立章帝之少弟也雄武有智略威德復舉  
七年匈奴宇文部大人莫槐爲其下所殺更立莫槐弟



魏書卷一 帝紀 五  
普撥爲大人帝以女妻撥子丘不懃帝饗國七年而崩  
思皇帝諱弗立文帝之少子也聰哲有大度爲諸父兄  
所重政崇寬簡百姓懷服饗國一年而崩

昭皇帝諱祿官立始祖之子也分國爲三部帝自以一  
部居東在上谷北濡源之西東接宇文部以文帝之長  
子桓皇帝諱猗弋統一部居代郡之參合陂北以桓帝  
之弟穆皇帝諱猗盧統一部居定襄之盛樂故城自始  
祖以來與晉和好百姓又安財畜富實控弦騎士四十  
餘萬是歲穆帝始出并州遷雜胡北徙雲中五原朔方  
又西渡河擊匈奴烏桓諸部自杏城以北八十里迄長

城原夾道立碣與晉分界

二年葬文帝及皇后封氏初思帝欲改葬未果而崩至  
是述成前意焉晉成都王司馬穎遣從事中郎田思河  
間王司馬顥遣司馬靳利并州刺史司馬騰遣主簿梁  
天並來會葬遠近赴者二十萬人

二年桓帝度漠北巡因西略諸國

四年東部未耐婁大人倍斤入居遼東

五年宇文莫廆之子遜昵延朝貢帝嘉其誠款以長女  
妻焉

七年桓帝至自西略諸降附者二十餘國凡積五歲今



始東還

十年晉惠帝爲成都王穎逼留在鄴匈奴別種劉淵反於離石自號漢王并州刺史司馬騰來乞師桓帝率十餘萬騎帝亦同時大舉以助之大破淵衆於西河上黨會惠帝還洛騰乃辭師桓帝與騰盟於汾東而還乃使輔相衛雄段繁於參合陂西累石爲亭樹碑以記行焉十一年劉淵攻司馬騰騰復乞師桓帝以輕騎數千救之斬淵將綦母豚淵南走蒲子晉假桓帝大單于金印紫綬是歲桓帝崩帝英傑魁岸馬不能勝常乘安車駕大牛牛角容一石帝會中蠱嘔吐之地仍生榆木參合

陂土無榆樹故世人異之至今傳記帝統部凡十一年後定襄侯衛操樹碑於大邗城以頌功德子晉根代立十二年賓人李雄僭帝號於蜀自稱大成

十三年昭帝崩徒何大單于慕容廆遣使朝貢是歲羯胡石勒與晉馬牧帥汲桑反

穆皇帝天姿英特勇略過人昭帝崩後遂總攝三部以爲一統

元年劉淵僭帝號自稱大漢

三年晉并州刺史劉琨遣使以子遵爲質帝嘉其意厚報饋之白部大人叛入西河鐵弗劉虎舉衆於鴈門以



應之攻琨新興鴈門二郡琨來乞師帝使弟子平文皇  
帝將騎二萬助琨擊之大破白部次攻劉虎屠其營落  
虎收其餘燼西走度河窟居朔方晉懷帝進帝大單于  
封代公帝以封邑去國懸遠民不相接乃從琨求句主  
陁北之地琨自以託附聞之大喜乃徙馬邑陰館樓煩  
繁峙崞五縣之民於陁南更立城邑盡獻其地東接代  
郡西連西河朔方方數百里帝乃徙十萬家以充之劉  
琨又遣使乞師救洛陽帝遣步騎二萬助之晉太傅東  
海王司馬越辭以洛中饑饉師乃還是年劉淵死子聰  
僭立

四年劉琨牙門將邪延據新興叛招引劉聰帝遣軍討  
之聰退走

五年劉琨遣使乞師以討劉聰石勒帝以琨忠義矜而  
許之會聰遣其子粲襲晉陽害琨父母而據其城琨來  
告難帝大怒遣長子六脩桓帝子曾根及衛雄范班姬  
澹等爲前鋒帝躬統大衆二十萬爲後繼粲懼焚輜重  
突圍遁走縱騎追之斬其將劉儒劉豐簡令張平邪延  
伏尸數百里琨來拜謝帝以禮待之琨固請進軍帝曰  
吾不早來致卿父母見害誠以相愧今卿已復州境然  
吾遠來士馬疲弊且待終舉賊矣可盡乎饋琨馬牛羊



各千餘車令百乘又面動銳戍之而還是年晉雍州刺史賈匹京兆太守閻鼎以晉懷帝爲劉聰所執共立懷帝兄子秦王業爲太子於長安稱行臺帝復戒嚴與琨更剋大舉命琨自列晉行臺部分諸軍帝將遣十萬騎從西河鑿谷南出晉軍從蒲坂東度會於平陽就食聰粟迎復晉帝事不果待

六年城盛樂以爲北都脩故平城以爲南都帝登平城西山觀望地勢乃更南百里於灑水之陽黃瓜堆築新平城晉人謂之小平城使長子六脩鎮之統領南部

七年帝復與劉琨約期會於平陽會石勒擒王浚國有匈奴雜胡萬餘家多勒種類聞勒破幽州乃謀爲亂欲以應勒發覺伏誅討聰之計於是中止

八年晉愍帝進帝爲代王置官屬食代常山二郡帝忿聰勒之亂志欲平之先是國俗寬簡氏未知禁至是明刑峻法諸部民多以違命得罪凡後期者皆舉部戮之或有室家相攜而赴死所人問何之答曰當往就誅其威嚴伏物皆此類也

九年帝召六脩六脩不至帝怒討之失利乃微服民間遂崩晉根先守外境聞難來赴攻六脩滅之衛雄姬澹率晉人及烏丸三百餘家隨劉遵南奔并州晉根立月



餘而薨曾根子始生桓帝后立之其冬曾根子又薨是  
年李雄遣使朝貢

平文皇帝諱鬱律立思帝之子也姿質雄壯甚有威略  
元年歲在丁丑

二年劉虎據朔方來侵西部帝逆擊大破之虎單騎逃  
走其從弟路孤率部落內附帝以女妻之西兼烏孫故  
地東吞勿吉以西控弦上馬將有百萬劉聰死子粲僭  
立爲其將靳準所殺淵族子曜僭立帝聞晉愍帝爲曜  
所害顧謂大臣曰今中原無主天其資我乎劉曜遣使  
請和帝不納是年司馬叡僭稱大位於江南

三年石勒自稱趙王遣使乞和請爲兄弟帝斬其使以  
絕之

四年私署涼州刺史張茂遣使朝貢

五年僭晉司馬叡遣使韓暢加崇爵服帝絕之治兵講  
武有平南夏之意桓帝后以帝得衆心恐不利於己子  
害帝遂崩大人死者數十人天興初尊曰太祖

惠皇帝諱賀儁立桓帝之中子也以五年爲元年未親  
政事太后臨朝遣使與石勒通和時人謂之女國使  
二年司馬叡死子紹僭立

四年帝始臨朝以諸部人情未悉款順乃築城於東木



根山徙都之是年張茂死兄寔子駿立遣使朝貢

五年帝崩是年司馬紹死子衍僭立

煬皇帝諱紇那立惠帝之弟也以五年爲元年

三年石勒遣石虎率騎五千來寇邊部帝禦之於句注  
陁北不利遷於大寧時烈帝居於舅賀蘭部帝遣使求  
之賀蘭部帥藹頭擁護不遣帝怒召宇文部并勢擊藹  
頭宇文衆敗帝還大寧

四年石勒擒劉曜

五年帝出居於宇文部賀蘭及諸部大人共立烈帝

烈皇帝諱翳槐立平文之長子也以五年爲元年石勒

遣使求和帝遣弟昭成皇帝如襄國從者五千餘家

二年石勒僭立自稱大趙王

五年勒死子大雅僭立慕容廆死子元真代立

六年石虎廢大雅僭立李雄死兄子班立雄子期殺班

自立

七年藹頭不脩臣職召而戮之國人復貳湯帝自宇文  
部還入諸部大人復奉之

煬皇帝復立以七年爲後元年烈帝出居於鄴石虎奉  
第宅伎妾奴婢什物

三年石虎遣將李穆率騎五千納烈帝於大寧國人六



千餘落叛煬帝煬帝出居於慕容部

烈皇帝復立以三年爲後元年城新盛樂城在故城東南十里一年而崩

昭成皇帝諱什翼犍立平文之次子也生而奇偉寬仁大度喜怒不形于色身長八尺隆準龍顏立髮委地臥則乳垂至席烈帝臨崩顧命曰必迎立什翼犍社稷可安烈帝崩帝弟孤乃自詣鄴奉迎與帝俱還事在孤傳十一月帝卽位於繁峙之北時年十九稱建國元年是歲李雄從弟壽殺期僭立自號曰漢

二年春始置百官分掌衆職東自濊貊西及破洛那莫不欵附夏五月朝諸大人於參合陂議欲定都灑源川連日不決乃從太后計而止語在皇后傳娉慕容元真妹爲皇后

三年春移都於雲中之盛樂宮

四年秋九月築盛樂城於故城南八里皇后慕容氏崩冬十月劉虎寇西境帝遣軍逆討大破之虎僅以身免虎死子務桓立始來歸順帝以女妻之十二月慕容元真遣使朝貢并薦其宗女

五年夏五月幸參合陂秋七月七日諸部畢集設壇埽講武馳射因以爲常八月還雲中是年秋司馬衍死弟



岳僭立

六年秋八月慕容元真遣使請薦女是年李壽死子勢  
僭立遣使朝貢

七年春二月遣大人長孫秩迎后慕容氏元真之女於  
境夏六月皇后至自和龍秋七月慕容元真遣使奉聘  
求交婚帝許之九月以烈帝女妻之其年司馬岳死子  
聃僭立

八年慕容元真遣使朝貢是年張駿私署假涼王

九年石虎遣使朝貢是年張駿死子重華代立

十年遣使詣鄴觀釁是年司馬聃擒李勢張重華遣使

朝貢

十一年慕容元真死子儁代立

十二年西巡至河而還是年石虎死子世立世兄遵殺  
世自立遵兄鑒殺遵自立

十三年魏郡人冉閔殺石鑒僭立

十四年帝曰石胡衰滅冉閔肆禍中州紛梗莫有匡救  
吾將親率六軍廓定四海乃勅諸部各率所統以俟大  
期諸大人諫曰今中州大亂誠宜進取如聞豪彊並起  
不可一舉而定若或留連經歷歲稔恐無永逸之利或  
有虧損之憂帝乃止是歲苻健僭稱大位自號大秦



十五年慕容儁滅冉閔僭尊號

十六年慕容儁遣使朝貢是年張重華死子曜靈立重華庶兄祚殺曜靈而自立稱涼公

十七年遣使於慕容儁張祚復稱涼王置百官遣使朝貢

十八年太后王氏崩是年苻健死子生僭立羌姚襄自稱大將軍大單于張瓘宋混殺張祚立重華少子玄靖稱涼王

十九年春正月劉務桓死其弟闕頭立潛謀反叛二月帝西巡因而臨河使人招諭闕頭從命冬慕容儁來請婚許之

二十年夏五月慕容儁奉納禮幣是年苻堅殺苻生而僭立姚襄爲苻眉所殺

二十一年闕頭部民多叛懼而東走渡河半濟而冰陷後衆盡歸闕頭兄子悉勿祈初闕頭之叛悉勿祈兄弟十二人在帝左右盡遣歸欲其自相猜離至是悉勿祈奪其衆闕頭窮而歸命帝待之如初

二十二年春帝東巡至於桑乾川三月慕容儁遣使朝貢夏四月帝還雲中悉勿祈死弟衛辰立秋八月衛辰遣子朝貢



二十三年夏六月皇后慕容氏崩秋七月衛辰來會葬  
因而求婚許之是歲慕容儁死子暉立遣使致賻

二十四年春衛辰遣使朝聘是年司馬聘死衍子千齡  
僭立

二十五年帝南巡至君子津冬十月行幸代十一月慕  
容暉薦女備後宮

二十六年冬十月帝討高車大破之獲萬口馬牛羊百  
餘萬頭是年張重華弟天錫殺玄靖而自立

二十七年春車駕還雲中冬十一月討沒歌部破之獲  
牛馬羊數百萬頭

二十八年春正月衛辰謀反東渡河帝討之衛辰懼而  
遁走冬十二月苻堅遣使朝貢是歲司馬千齡死弟奕  
僭立

二十九年夏五月遣燕鳳使苻堅

三十年冬十月帝征衛辰時河冰未成帝乃以葦緝約  
澌俄然冰合猶未能堅乃散葦於上冰草相結如浮橋  
焉衆軍利涉出其不意衛辰與宗族西走收其部落而  
還俘獲生口及馬牛羊數十萬頭

三十一年春帝至自西伐班賞各有差

三十二年正月帝南幸君子津冬十月幸代



三十二年冬十一月征高車大破之是年苻堅擒慕容暐

三十四年春長孫斤謀反伏誅斤之反也拔刃向御座太子獻明皇帝諱寔格之傷脇夏五月薨後追諡焉秋七月皇孫珪生大赦是年司馬弈臣桓溫廢弈爲海西公立叡子昱

三十五年司馬昱死子昌明僭立

三十六年夏五月遣燕鳳使苻堅

三十七年帝征衛辰衛辰南走

三十八年衛辰求援於苻堅

三十九年苻堅遣其大司馬苻洛率衆二十萬及朱彤張蚝鄧羌等諸道來寇侵逼南境冬十一月白部獨孤部禦之敗績南部大人劉庫仁走雲中帝復遣庫仁率騎十萬逆戰於石子嶺王師不利帝時不豫羣臣莫可任者乃率國人避於陰山之北高車雜種盡叛四面寇鈔不得芻牧復度漠南堅軍稍退乃還十二月至雲中旬有二日帝崩時年五十七太祖卽位尊曰高祖帝雅性寬厚智勇仁恕時國中少繪帛代人許謙盜絹二匹守者以告帝匿之謂燕鳳曰吾不忍視謙之面卿勿泄言謙或慙而自殺爲財辱士非也帝嘗擊西部叛賊流



矢中目賊破之後諸大臣執射者各持錐刀欲屠割之  
帝曰彼各爲其主何罪也乃釋之是歲符堅滅張天錫  
史臣曰帝王之興也必有積德累功博利道協幽顯方  
契神祇之心有魏奄迹幽方世居君長淳化育民與時  
無競神元生自天女桓穆勤於晉室靈心人事夫豈徒  
然昭成以雄傑之姿包君子之量征伐四克威被荒遐  
乃立號改都恢隆大業終於百六十載光宅區中其原  
固有由矣

魏書卷一終

魏書卷二

太祖紀第二

皇明朝列大夫國子監祭酒臣李延機

承直郎國子監司業臣方從哲等奉

勅重校刊

太祖道武皇帝諱珪昭成皇帝之嫡孫獻明皇帝之子  
也母曰獻明賀皇后初因遷徙遊于雲澤旣而寢息夢  
日出室內寤而見光自牖屬天歛然有感以建國三十  
四年七月七日生太祖於參合陂北其夜復有光明昭  
成大悅羣臣稱慶大赦告於祖宗保者以帝體重倍於  
常兒竊獨奇恠明年有榆生於埋胞之坎後遂成林弱



而能言目有光曜廣額大耳衆咸異之年六歲昭成崩  
苻堅遣將內侮將遷帝於長安旣而獲免語在燕鳳傳  
堅軍旣還國衆離散堅使劉庫仁劉衛辰分攝國事南  
部大人長孫嵩及元他等盡將故民南依庫仁帝於是  
轉幸獨孤部

元年葬昭成皇帝於金陵營梓宮木梯盡生成林帝雖  
冲幼而嶷然不羣庫仁常謂其子曰帝有高天下之志  
興復洪業光揚祖宗者必此主也

二年冬十月苻堅敗于淮南是月慕容文等殺庫仁庫  
仁弟眷攝國部

八年慕容暉弟冲僭立姚萇自稱大單于萬年秦王慕  
容垂僭稱燕王

九年庫仁子顯殺眷而代之乃將謀逆商人王霸知之  
履帝足於衆中帝乃馳還是時故大人梁蓋盆子六眷  
爲顯謀主盡知其計密使部人穆崇馳告帝乃陰結舊  
臣長孫健元他等秋八月乃幸賀蘭部其日顯果使人  
求帝不及語在獻明太后傳是歲鮮卑乞伏國仁私署  
大單于苻堅爲姚萇所殺子丕僭立

登國元年春正月戊申帝卽代王位郊天建元大會於  
牛川復以長孫嵩爲南部大人以叔孫普洛爲北部大



人班爵敘勳各有差二月幸定襄之盛樂息衆課農三月劉顯自善無南走馬邑其族奴真率所部來降夏四月改稱魏王五月車駕東幸陵石護佛侯部帥侯辰乙弗部帥代題叛走諸將追之帝曰侯辰等世脩職役雖有小愆宜且忍之當今草創人情未一愚近者固應趨起不足追也秋七月己酉車駕還盛樂代題復以部落來降旬有數日亡奔劉顯帝使其孫倍斤代領部落是月劉顯弟亢泥率騎掠奴真部落既而率以來降初帝叔父窟咄為苻堅徙于長安因隨慕容永永以為新興太守八月劉顯遣弟亢泥迎窟咄以兵隨之來逼南境

於是諸部騷動人心顧望帝左右于植等與諸部人謀為逆以應之事泄誅造謀者五人餘悉不問帝慮內難乃北踰陰山幸賀蘭部阻山為固遣行人安同長孫賀使于慕容垂以徵師垂遣使朝貢并令其子賀麟帥步騎以隨同等冬十月賀麟軍未至而寇已前逼於是北部大人叔孫普洛等十三人及諸烏丸亡奔衛辰帝自弩山遷幸牛川屯于延水南出代谷會賀麟於高柳大破窟咄窟咄奔衛辰衛辰殺之帝悉收其衆十二月慕容垂遣使朝貢奉帝西單于印綬封上谷王帝不納是歲慕容垂僭稱皇帝於中山自號大燕苻丕死苻登自



立於隴東姚萇稱皇帝於長安自號大秦慕容冲為部下所殺慕容永僭立

二年春正月班賜功臣長孫嵩等七十三人各有差二月帝幸甯川夏五月遣行人安同徵兵於慕容垂垂使子賀麟率眾來會六月帝親征劉顯於馬邑南追至彌澤大破之顯南奔慕容永盡收其部落秋八月帝至自伐顯冬十月癸卯幸濡源遣外朝大人王建使於慕容垂十一月遂幸赤城十有二月巡松漠還幸牛川

三年春二月帝東巡夏四月幸東赤城五月癸亥北征庫莫奚六月大破之獲其四部雜畜十餘萬渡弱落水

班賞將士各有差秋七月庚申庫莫部帥鳩集遺散夜犯行宮縱騎撲討盡殺之其月帝還赤城八月使九原公元儀使於慕容垂冬十月慕容垂遣使朝貢十有二月辛卯車駕西征至女水討解如部大破之獲男女雜畜十數萬是歲乞伏國仁死弟乾歸立私署河南王四年春正月甲寅襲高車諸部落大破之二月癸巳至女水討叱突隣部大破之戊戌賀染干兄弟率諸部來救與大軍相遇逆擊走之夏四月行還赤城五月陳留公元虔使於慕容垂冬十月垂遣使朝貢是歲氏呂光自稱三河王遣使朝貢



五年春二月甲申帝西征次鹿渾海襲高車袁紇部大破之虜獲生口馬牛羊二十餘萬慕容垂遣子賀麟率衆來會夏四月丙寅行幸意辛山與賀麟討賀蘭紇突隣紇奚諸部落大破之六月還幸牛川衛辰遣子直力鞬寇賀蘭部圍之賀訥等請降告困秋七月丙子帝引兵救之至羊山直力鞬退走八月還幸牛川遣秦王觚使於慕容垂九月壬申討叱奴部於囊曲河大破之冬十月遷雲中討高車豆陳部於狼山破之十有一月紇奚部大人庫寒舉部內屬十有二月紇突隣大人屈地鞬舉部內屬帝還次白漠

六年春二月幸紐埵川三月遣九原公元儀陳留公元虔等西討黜弗部大破之夏四月祠天六月慕容賀麟破賀訥於赤城帝引兵救之麟退走秋七月壬申講武於牛川行還紐埵川慕容垂止元觚而求名馬帝絕之乃遣使於慕容永永使其大鴻臚慕容鈞奉表勸進尊號其月衛辰遣子直力鞬出柁陽塞侵及黑城九月帝襲五原屠之收其積穀還紐埵川於柁陽塞北樹碑記功冬十月戊戌北征蠕蠕追之及於大磧南牀山下大破之班賜從臣各有差其東西二部主匹候跋及縕紇提斬別帥屋擊于事具蠕蠕傳十有一月戊辰還幸紐



涇川戊寅衛辰遣子直力鞬寇南部巳卯車駕出討壬午大破直力鞬軍於鐵岐山南獲其器械輜重牛羊二十餘萬戊子自五原金津南渡河辛卯次其所居悅跋城衛辰父子奔遁壬辰詔諸將追之擒直力鞬十有二月獲衛辰尸斬以徇遂滅之語在衛辰傳衛辰少子屈丐亡奔薛干部車駕次于鹽池自河以南諸部悉平簿其珍寶畜產名馬三十餘萬匹牛羊四百餘萬頭班賜大臣各有差收衛辰子弟宗黨無少長五千餘人盡殺之山胡酋大幡頽業易于等率三千餘家降附出居于馬邑是歲起河南宮

七年春正月幸木根山遂次黑鹽池饗宴羣臣觀諸國貢使北之美水三月甲子宴羣臣於水濱還幸河南宮西部泣黎大人茂鮮叛走遣南部大人長孫嵩追討大破之夏五月班賜諸官馬牛羊各有差秋八月行幸漠南仍築巡臺冬十有二月慕容永遣使朝貢是歲皇子嗣生

八年春正月帝南巡二月幸殺羊原赴白樓三月車駕西征侯呂隣部夏四月至苦水大破之五月還幸白樓慕容垂討慕容永於長子六月車駕北巡永來告急遣陳留公元虔將軍庾岳率騎五萬東度河救之破類拔



部帥劉曜等徙其部落元虔等因屯秀容慕容垂遂圍  
長子秋七月車駕臨幸新壇庚寅宴羣臣仍講武先是  
衛辰子屈丐奔薛于部徵之不送八月帝南征薛于部  
帥太悉佛於三城會其先出擊曹覆帝乘虛屠其城獲  
太悉佛子珍寶徙其民而還太悉佛聞之來赴不及遂  
奔姚興九月還幸河南宮是歲姚萇死

九年春三月帝北巡使東平公元儀屯田於河北五原  
至於柶陽塞外夏五月田於河東秋七月還幸河南宮  
冬十月蠕蠕社論等率部落西走事具蠕蠕傳是歲姚  
萇子興僭立殺苻登慕容垂滅永

十年春正月太悉佛自長安還嶺北上郡以西皆應之  
夏五月幸鹽池六月還幸河南宮秋七月慕容垂遣其  
子寶來寇五原造舟收穀帝遣右司馬許謙徵兵於姚  
興東平公元儀徙據朔方八月帝親治兵於河南九月  
進師臨河築臺告津連旌沿河東西千里有餘是時陳  
留公元虔五萬騎在東以絕其左元儀五萬騎在河北  
以承其後略陽公元遵七萬騎塞其中山之路冬十月  
辛未寶燒船夜遁十一月己卯帝進軍濟河乙酉夕至  
參合陂丙戌大破之語在寶傳生擒其陳留王紹魯陽  
王倭奴桂林王道成濟陰公尹國北地王世子鍾葵安



定王世子羊兒以下文武將吏數千人器甲輜重軍資  
雜財十餘萬計於俘虜之中擢其才識者賈彝賈閔晁  
崇等與參謀議憲章故實班賞大臣將校各有差十有  
二月還幸雲中之盛樂

皇始元年春正月大蒐于定襄之虎山因東幸善無北  
陂三月慕容垂來寇桑乾川陳留公元虔先鎮平城時  
徵兵未集虔率麾下邀擊失利死之垂遂至平城西北  
踰山結營聞帝將至乃築城自守疾甚遂遁走死於上  
谷子寶匿喪而還至中山乃僭立夏六月癸酉遣將軍  
王建等三軍討寶廣寧太守劉亢泥斬之徙其部落寶

上谷太守慕容晉隣捐郡奔走了亥皇太后賀氏崩是  
月葬獻明太后秋七月左司馬許謙上書勸進尊號帝  
始建天子旌旗出入警蹕於是改元八月庚寅治兵于  
東郊己亥大舉討慕容寶帝親勒六軍四十餘萬南出  
馬邑踰于句注旌旗駱驛二千餘里鼓行而前民屋皆  
震別詔將軍封真等三軍從東道出襲幽州圍薊九月  
戊午次陽曲乘西山臨觀晉陽命諸將引騎圍脇已而  
罷還寶并州牧遼西王農大懼將妻子棄城夜出東遁  
并州平初建臺省置百官封公侯將軍刺史太守尚書  
郎已下悉用文人帝初拓中原留心慰納諸士大夫詣



軍門者無少長皆引入賜見存問周悉人得自盡苟有  
微能咸蒙敘用己未詔輔國將軍奚牧略地晉川獲慕  
容寶丹陽王買得等於平陶城冬十月乙酉車駕出井  
陘使冠軍將軍王建左軍將軍李粟五萬騎先驅啓行  
十有一月庚子朔帝至真定自常山以東守宰或捐城  
奔竄或稽顙軍門唯中山鄴信都三城不下別詔征東  
大將軍東平公儀五萬騎南攻鄴冠軍將軍王建左軍  
將軍李粟等攻信都軍之所行不得傷民桑棗戊午進  
軍中山己未引騎圍之帝謂諸將曰朕量寶不能出戰  
必當憑城自守偷延日月急攻則傷士久守則費糧不  
如先平鄴信都然後還取中山於計爲便若移軍遠去  
寶必散衆求食民間如此則人心離阻攻之易克諸將  
稱善丁卯車駕幸魯口城是歲司馬昌明死子德宗僭  
立遣使朝貢呂光僭稱天王號大涼遣使朝貢  
二年春正月己亥朔大饗羣臣於魯口慕容寶遣其左  
衛將軍慕容騰寇博陵殺中山太守及高陽諸縣令長  
抄掠祖運是時信都未下庚申乃進軍壬戌引騎圍之  
其夜寶冀州刺史宜都王慕容鳳踰城奔走歸于中山  
癸亥寶輔國將軍張驥護軍將軍徐超率將吏已下舉  
城降寶聞帝幸信都乃趣博陵之深澤屯滹沱水遣弟



賀麟寇楊城殺常山守兵三百餘人寶悉出珍寶及宮人招募郡縣羣盜無賴者多應之二月己巳帝進幸楊城丁丑軍于鉅鹿之栢肆塢臨滹沱水其夜寶悉衆犯營燎及行宮兵人駭散帝驚起不及衣冠跣出擊鼓俄而左右及中軍將士稍稍來集帝設奇陳列烽營外縱騎衝之寶衆大敗斬首萬餘級擒其將軍高長等四千餘人戊寅寶走中山獲其器仗輜重數十萬計寶尚書閔亮祕書監崔逞太常孫沂殿中侍御史孟輔等並降者相屬賜拜職爵各有差平原徐超聚衆反於畔城詔將軍奚辱捕斬之并州守將封真率其種族與徒何爲逆將攻刺史元延延討平之是時栢肆之役遠近流言賀蘭部帥附力眷紇突隣部帥匿物尼紇奚部帥叱奴根聚黨反於陰館南安公元順率軍討之不克死者數千詔安遠將軍庾岳搃萬騎還討叱奴根等滅之三月己酉車駕次于盧奴寶遣使求和請送元觚割常山以西奉國乞守中山以東帝許之已而寶背約辛亥車駕次中山命諸將圍之是夜寶弟賀麟將妻子出走西山寶見賀麟走恐先據和龍壬子夜遂將其妻子及兄弟宗族數千騎北遁寶將李沈王次多張超賈歸等來降遣將軍長孫肥追之至范陽不及受還城內共立慕



容曾隣爲主夏四月帝以軍糧未繼乃詔征東大將軍  
東平公元儀罷鄴圍徙屯鉅鹿積租楊城曾隣出步卒  
六千餘人伺間犯諸屯兵詔將軍長孫肥等輕騎挑之  
帝以虎隊五千橫截其後斬首五千生虜七百人宥而  
遣之夏五月庚子大賞功臣帝以中山城內爲曾隣所  
脇而大軍迫之欲降無路乃密招喻之甲辰曜兵揚威  
以示城內命諸軍罷圍南徙以待其變甲寅以東平公  
元儀爲驃騎大將軍都督中外諸軍事充豫雍荆徐揚  
六州牧左丞相封衛王襄城公元題進封爲王秋七月  
曾隣遣烏丸張驤率五千餘人出城求食寇常山之靈  
壽殺害吏民賀麟自丁零中入于驤軍因其衆復入中  
山殺曾隣而自立帝還幸魯口遣將軍長孫肥一千騎  
襲中山入其郛而還八月丙寅朔帝自魯口進軍常山  
之九門時大疫人馬牛多死帝問疫於諸將對曰在者  
纔十四五是時中山猶拒守而饑疫並臻羣下咸思還  
北帝知其意因謂之曰斯固天命將若之何四海之人  
皆可與爲國在吾所以撫之耳何恤乎無民羣臣乃不  
敢復言遣撫軍大將軍略陽公元遵襲中山芟其禾菜  
入郛而還九月賀麟饑窮率三萬餘人出寇新市甲子  
晦帝進軍討之太史令晁崇奏曰不吉帝曰其義云何



對曰昔紂以甲子亡兵家忌之帝曰紂以甲子亡周武  
不以甲子勝乎崇無以對冬十月丙寅帝進軍新市賀  
麟退阻泝水依漸洳澤以自固甲戌帝臨其營戰於義  
臺塢大破之斬首九千餘級賀麟單馬走西山遂奔鄴  
慕容德殺之甲申其所署公卿尚書將吏士卒降者二  
萬餘人其將張驤李沈慕容文等先來降尋皆亡還是  
日復獲之皆赦而不問獲其所傳皇帝璽綬圖書府庫  
珍寶簿列數萬班賜功臣及將士各有差中山平乙酉  
襄城王題薨丁亥遣三萬騎赴衛王儀將以攻鄴是歲  
鮮卑秃髮烏孤私署大單于西平王

天興元年春正月慕容德走保滑臺儀克鄴收其倉庫  
詔賞將士各有差儀追德至於河不及而還庚子車駕  
自中山行幸常山之真定次趙郡之高邑遂幸于鄴民  
有老不能自存者詔郡縣賑恤之帝至鄴巡登臺榭遍  
覽宮城將有定都之意乃置行臺以龍驤將軍日南公  
和跋爲尚書與左丞賈彝率郎吏及兵五千人鎮鄴車  
駕自鄴還中山所過存問百姓詔大軍所經州郡復贖  
租一年除山東民租賦之半車駕將北還發卒萬人治  
直道自望都鐵關鑿恒嶺至代五百餘里帝慮還後山  
東有變乃置行臺於中山詔左丞相守尚書令衛王儀



鎮中山撫軍大將軍略陽公元遵鎮渤海之合口右軍  
將軍尹國先督租于冀州聞帝將還謀反欲襲信都安  
南將軍長孫嵩執送斬之辛酉車駕發自中山至于望  
都堯山徙山東六州民吏及徒何高麗雜夷三十六萬  
百工伎巧十萬餘口以充京師車駕次于怕山之陽博  
陵渤海章武羣盜並起略陽公元遵等討平之廣川太  
守賀盧殺冀州刺史王輔驅勒守兵抄掠陽平頓丘諸  
郡遂南渡河奔慕容德二月車駕自中山幸繁峙宮更  
選屯衛詔給內徙新民耕牛計口受田三月離石胡帥  
呼延鐵西河胡帥張崇等聚黨數千人叛詔安遠將軍  
庾岳討平之漁陽羣盜庫儻官韜聚眾反詔中堅將軍  
伊謂討之徵左丞相衛王儀還京師詔略陽公遵代鎮  
中山夏四月壬戌進遵封常山王南安公元順進封毗  
陵王征虜將軍歷陽公穆崇爲太尉安南將軍鉅鹿公  
長孫嵩爲司徒帝祠天於西郊旗幟有加焉廣平太守  
遼西公元意烈謀反於郡賜死原其妻子郟城屠各董  
羌杏城盧水郝奴河東蜀薛榆氏帥符興各率其種內  
附六月丙子詔有司議定國號羣臣曰昔周秦以前世  
居所生之土有國有家及王天下卽承爲號自漢以來  
罷侯置守時無世繼其應運而起者皆不由尺土之資



今國家萬世相承啓基雲代臣等以爲若取長遠應以  
代爲號詔曰昔朕遠祖惣御幽都控制遐國雖踐王位  
未定九州逮于朕躬處百代之季天下分裂諸華之主  
民俗雖殊撫之在德故躬率六軍掃平中土凶逆蕩除  
遐邇率服宜仍先號以爲魏焉布告天下咸知朕意秋  
七月遷都平城始營宮室建宗廟立社稷漁陽羣盜庫  
儻官韜復聚黨爲寇詔冠軍將軍王建討平之八月詔  
有司正封畿制郊甸端徑術標道里平五權較五量定  
五度遣使循行郡國舉奏守宰不法者親覽察黜陟之  
九月烏丸張驤子超收合亡命聚黨二千餘家據勃海  
之南皮自號征東大將軍烏丸王抄掠諸郡詔將軍廣  
岳討之冬十月起天文殿十有一月辛亥詔尚書吏部  
郎中鄧淵典官制立爵品定律呂協音樂儀曹郎中董  
謐撰郊廟社稷朝覲饗宴之儀三公郎中王德定律令  
申科禁太史令晁崇造渾儀考天象吏部尚書崔玄伯  
摠而裁之閏月左丞相驃騎大將軍衛王儀及諸王公  
卿士詣闕上書曰臣等聞宸極居中則列宿齊其畧帝  
王順天則羣后仰其度伏惟陛下德協二儀道隆三五  
仁風被於四海盛化塞于大區澤及昆蟲恩霑行葦謳  
歌所屬八表歸心軍威所及如風靡草萬姓顛顛咸思



魏書卷二 帝紀 十四  
係命而躬履謙虛退身後已宸儀未彰袞服未御非所  
以上允皇天之意下副樂推之心宜光崇聖烈示軌憲  
於萬世臣等謹昧死以聞帝三讓乃許之十有二月己  
丑帝臨天文殿太尉司徒進璽綬百官咸稱萬歲大赦  
改年追尊成帝已下及后號謚樂用皇始之舞詔百司  
議定行次尚書崔玄伯等奏從土德服色尚黃數用丑  
未祖辰臘犧牲用白五郊立氣宣贊時令敬授民時行  
夏之正徙六州二十二郡守宰豪傑吏民二千家于代  
都是歲蘭汗殺慕容寶而自立寶子盛殺汗僭立慕容  
德自稱燕王

二年春正月甲子初祠上帝于南郊以始祖神元皇帝  
配降壇視燎成禮而反乙丑曲赦京師始制三駕之法  
庚午車駕北巡分命諸將大襲高車大將軍常山王遵  
等三軍從東道出長川鎮北將軍高涼王樂真等七軍  
從西道出牛川車駕親勒六軍從中道自駁髡水西北  
二月丁亥朔諸軍同會破高車雜種三十餘部獲七萬  
餘口馬三十餘萬匹牛羊百四十餘萬驃騎大將軍衛  
王儀督三萬騎別從西北絕漠千餘里破其遺迸七部  
獲二萬餘口馬五萬餘匹牛羊二十餘萬頭高車二十  
餘萬乘并服玩諸物還次牛山及薄山並刻石記功班



賜從臣各有差庚戌征虜將軍庾岳破張超於勃海超走平原爲其黨所殺以所獲高車衆起鹿苑於南臺陰北距長城東包白登屬之西山廣輪數十里鑿渠引武川水注之苑中疏爲三溝分流宮城內外又穿鴻臚池三月己未車駕至自北伐甲子初令五經羣書各置博士增國子太學生員三千人是月氏人李辯叛慕容德求援於鄴行臺尚書和跋跋輕騎往應之克滑臺收德宮人府藏又破德桂林王鎮及郎吏將士千餘人丙子遣建義將軍庾真越騎校尉奚斤討庫狄部帥葉亦干宥連部帥竇羽泥於太渾川破之庫狄懃支子沓亦干率其部落內附真等進破侯莫陳部獲馬牛羊十餘萬頭追殄遺迸入大峨谷中山太守仇儒亡匿趙郡推羣盜趙准爲主號使持節征西大將軍冀青二州牧鉅鹿公仇儒爲准長史聚黨扇惑詔中領軍長孫肥討平之夏四月前清河太守傅世聚黨千餘家自號撫軍將軍五月癸亥征虜將軍庾岳討破之秋七月起天華殿辛酉大闕于鹿苑饗賜各有差陳郡河南流民萬餘口內徙遣使者存勞之姚興遣衆圍洛陽司馬德宗將辛恭靖請救八月遣太尉穆崇率騎六千往赴之增啓京師十二門作西武庫除州郡民租賦之半辛亥詔禮官備



撰衆儀著于新令范陽人盧溥聚衆海濱稱使持節征  
北大將軍幽州刺史攻掠郡縣殺幽州刺史封沓干慕  
容盛遼西太守李朗舉郡內屬西河胡帥護諾于丁零  
帥翟同蜀帥韓龍並相率內附冬十月太廟成遷神元  
平文昭成獻明皇帝神主于太廟十有二月甲午慕容  
盛征虜將軍燕郡太守高湖率戶三千內屬辛亥詔材  
官將軍和突討盧溥天華殿成是歲呂光立其子紹爲  
天王自稱太上皇光死庶子纂殺紹僭立禿髮烏孤死  
弟鹿孤代立遣使朝貢

三年春正月戊午和突破盧溥於遼西生獲溥及其子  
煥傳送京師轅之癸亥有事於北郊分命諸官循行州  
郡觀民風俗察舉不法賜羣臣布帛各有差二月丁亥  
詔有司祀日于東郊始耕籍田壬寅皇子聰薨三月戊  
午立皇后慕容氏是月穿城南渠通於城內作東西魚  
池夏四月姚興遣使朝貢五月戊辰詔謁者僕射張濟  
使於姚興已巳車駕東巡遂幸涿鹿遣使者以太牢祠  
帝堯帝舜廟西幸馬邑觀灑源秋七月壬子車駕還宮  
起中天殿及雲母堂金華室十有一月高車別帥勅力  
犍率九百餘落內屬十有二月乙未詔曰世俗謂漢高  
起於布衣而有天下此未達其故也夫劉承堯統曠世



繼德有蛇龍之徵致雲彩之應五緯上聚天人俱協明  
革命之主大運所鍾不可以非望求也然狂狡之徒所  
以顛蹶而不已者誠惑於逐鹿之說而迷於天命也故  
有踵覆車之軌蹈累逆之蹤毒甚者傾州郡害微者敗  
邑里至乃身死名頹殃及九族從亂隨流死而不悔豈  
不痛哉春秋之義大一統之美吳楚僭號又加誅絕君  
子賤其僞名比之塵垢自非繼聖載德天人合會帝王  
之業夫豈虛應歷觀古今不義而求非望者皆長其保  
家之道而伏刀鋸之誅有國有家者誠能推慶與之有  
期審天命之不易察徵應之潛投杜競逐之邪言絕姦  
雄之僭肆思多福於止足則幾於神智矣如此則可以  
保榮祿於天年流餘慶於後世夫然故禍悖無緣而生  
兵甲何因而起凡厥來世勗哉戒之可不慎歟時太史  
屢奏天文錯亂帝親覽經占多云改王易政故數革官  
號一欲防塞凶狡二欲消災應變已而慮羣下疑惑心  
謗腹非丙申復詔曰上古之治尚德下名有任而無爵  
易治而事序故邪謀息而不起姦慝絕而不作周姬之  
末下凌上替以號自定以位制祿卿世其官大夫遂事  
陽德不暢議發家陪故釁由此起兵由此作秦漢之弊  
捨德崇侈能否混雜賢愚相亂庶官失序任非其人於



是忠義之道寢廉恥之節廢退讓之風絕毀譽之議興  
莫不由乎貴尚名位而禍敗及之矣古置三公職大憂  
重故曰待罪宰相將委任責成非虛寵祿也而今世俗  
僉以台輔爲榮貴企慕而求之夫此職司在人主之所  
任耳用之則重捨之則輕然則官無常名而任有定分  
是則所貴者至矣何取於鼎司之虛稱也夫桀紂之南  
面雖高而可薄姬旦之爲下雖卑而可尊一官可以效  
智尊門可以垂範苟以道德爲實賢於覆餗部家矣故  
量已者令終而義全昧利者身陷而名滅利之與名毀  
譽之疵競道之與德神識之家實是故道義治之本名  
爵治之末名不本於道不可以爲宜爵無補於時不可  
以爲用用而不禁爲病深矣能通其變不失其正者其  
惟聖人乎來者誠思成敗之理察治亂之由鑒殷周之  
失革秦漢之弊則幾於治矣是歲乞伏乾歸爲姚興所  
破李暠私署涼州牧涼公

四年春正月高車別帥率其部三十餘落內附二月丁  
亥命樂師入學習舞釋菜于先聖先師丁酉分命使者  
循行州郡聽察辭訟糾劾不法三月帝親漁薦于寢廟  
夏四月辛卯罷鄴行臺詔有司明揚隱逸五月起紫極  
殿玄武樓涼風觀石池鹿苑臺秋七月詔鎮遠將軍亮



州刺史長孫肥步騎二萬南徇許昌彭城詔賜天下鎮  
戍將士布帛各有差冬十二月辛亥詔征西大將軍常  
山王遵等率衆五萬討破多蘭部帥木易于材官將軍  
和突率騎六千襲黜弗素古延等諸部集博士儒生比  
衆經文字義類相從凡四萬餘字號曰衆文經是歲慕  
容盛死寶弟熙僭立呂光弟子隆殺篡自立盧水胡沮  
渠蒙遜私署涼州牧張掖公蒙遜及李嵩並遣使朝貢  
五年春正月丁丑慕容熙遣將寇遼西虎威將軍宿沓  
干等拒戰不利棄令支而還帝聞姚興將寇邊庚寅大  
簡輿徒詔并州諸軍積穀于平陽之乾壁戊子材官將  
軍和突破黜弗素古延等諸部獲馬三千餘匹牛羊七  
萬餘頭辛卯蠕蠕社論遣騎救素古延等和突逆擊破  
之于山南河曲獲鎧馬二千餘匹班師賞賜將士各有  
差二月癸丑征西大將軍常山王遵等至安定之高平  
木易于率數千騎與衛辰屈丐棄國遁走追至隴西瓦  
亭不及而還獲其輜重庫藏馬四萬餘匹駱駝羗牛三  
千餘頭牛羊九萬餘口班賜將士各有差徙其民於京  
師沙門張翹自號無上王與丁零鮮于次保聚黨常山  
之行唐夏四月太守樓伏連討斬之五月姚興遣其弟  
安北將軍義陽公平率衆四萬來侵平陽乾壁爲平所



陷六月治兵于東郊部分衆軍詔鎮西大將軍毗陵王  
 順長孫肥等三將六萬騎爲前鋒秋七月戊辰朔車駕  
 西討八月乙巳至於柴壁平固守進軍圍之姚興悉舉  
 其衆來救甲子帝渡蒙坑逆擊興軍大破之冬十月平  
 赴水而死俘其餘衆三萬餘人語在興傳獲興征虜將  
 軍尚書右僕射狄伯支越騎校尉唐小方積弩將軍姚  
 梁國建忠將軍雷星康官北中郎將康猥平從弟伯禽  
 已下四品將軍已上四十餘人獲先亡臣王次多斬勳  
 並斬以徇興頻使請和帝不許羣臣勸進平蒲坂帝慮  
 蠕蠕爲難戊申班師十有一月車駕次晉陽徵相州刺

史庾岳爲司空遣左將軍莫題討上黨羣盜秦頗丁零  
 翟都於壺關丁丑上黨太守捕頗斬之都走林慮十有  
 二月辛亥至自西征蠕蠕社嶮犯塞詔常山王遵追之  
 不及而還越勤莫弗率其部萬餘家內屬居五原之北  
 是歲禿髮鹿孤病死弟儁檀統任遣使朝貢  
 六年春正月辛未朔方尉遲部別帥率萬餘家內屬入  
 居雲中夏五月大簡輿徒將略江淮平荆揚之亂秋七  
 月鎮西大將軍司隸校尉毗陵王順有罪以王還第戊  
 子車駕北巡築離宮于豺山縱士校獵東北踰蜀嶺出  
 參合代谷九月行幸南平城規度灑南面夏屋山背黃



瓜堆將建新邑辛未車駕還宮冬十月起西昭陽殿乙卯立皇子嗣爲齊王加車騎大將軍位相國紹爲清河王加征南大將軍熙爲陽平王曜爲河南王封故秦愍王子夔爲豫章王陳留王子右將軍悅爲朱提王丁巳詔將軍伊謂率騎二萬北襲高車司馬德宗遣使朝貢十有一月庚午伊謂大破高車是年島夷桓玄廢其主司馬德宗而自立僭稱大楚

天賜元年春正月遣離石護軍劉託率騎三千襲蒲子三月丙寅擒姚興寧北將軍秦平太守衡譚獲三千餘口初限縣戶不滿百罷之夏四月詔尚書郎中公孫表使於江南以觀桓玄之釁也值玄敗而還蠕蠕社論從弟悅伐大那等謀殺社論而立大那發覺來奔五月置山東諸治發州郡徒謫造兵甲秋九月帝臨昭陽殿分置衆職引朝臣文武親自簡擇量能敘用制爵四等曰王公侯子除伯男之號追錄舊臣加以封爵各有差是秋江南大亂流民緇負而奔淮北行道相尋冬十月辛巳大赦改元築西宮十有一月上幸西宮大選朝臣令各辨宗黨保舉才行諸部子孫失業賜爵者二千餘人十有二月戊辰車駕幸豺山宮是歲島夷劉裕起兵誅桓玄



二年春二月癸亥車駕還宮夏四月車駕有事于西郊  
車旗盡黑是歲司馬德宗復僭立慕容德死兄子超僭  
立

三年春正月甲申車駕北巡幸豺山宮校獵至屋孤山  
二月乙亥幸代園山建五石亭三月庚子車駕還宮夏  
四月庚申復幸豺山宮占授著作郎王宜弟造兵法孤  
虛立成圖三百六十時遂登定襄角史山又幸馬城甲  
戌車駕還宮是月蠕蠕寇邊夜召兵將旦賊走乃罷六  
月發八部五百里內男丁築灑南宮門闕高十餘丈引  
溝穿池廣苑圍規立外城方二十里分置市里經塗洞

達三十日罷秋七月太尉穆崇薨八月甲辰行幸豺山  
宮遂至青牛山丙辰西登武要北原觀九十九泉造石  
亭遂之石漠九月甲戌朔幸漠南鹽池壬午至漠中觀  
天鹽池度漠北之吐鹽池癸巳南還長川丙申臨觀長  
陂冬十月庚申車駕還宮

四年春二月封皇子脩爲河間王處文爲長樂王連爲  
廣平王黎爲京兆王夏五月北巡自參合陂東過蟠羊  
山大雨暴水流輜重數百乘殺百餘人遂東北踰石漠  
至長川幸濡源常山王遵有罪賜死秋七月車駕自濡  
源西幸參合陂築北宮垣三旬而罷乃還宮八月幸豺



山宮是月誅司空庾岳冬十有一月車駕還宮是歲慕容寶養子高雲殺熙自立赫連屈丐自稱大單于大夏天王

五年春正月行幸材山宮遂如參合陂觀漁於延水至甯川三月姚興遣使朝貢是歲皇孫燾生

六年夏帝不豫初帝服寒食散自太醫令陰羌死後藥數動發至此逾甚而災變屢見憂懣不安或數日不食或不寢達旦歸咎羣下喜怒乖常謂百寮左右人不可信慮如天文之占或有肘腋之虞追思既往成敗得失終日竟夜獨語不止若傍有鬼物對揚者朝臣至前追

其舊惡皆見殺害其餘或以顏色變動或以喘息不調或以行步乖節或以言辭失措帝皆以爲懷惡在心變見於外乃手自毆擊死者皆陳天安殿前於是朝野人情各懷危懼有司懈怠莫相督攝百工偷劫盜賊公行巷里之間人爲希少帝亦聞之曰朕縱之使然待過災年當更清治之爾秋七月慕容支屬百餘家謀欲外奔發覺伏誅死者三百餘人八月衛王儀謀叛賜死冬十月戊辰帝崩於天安殿時年三十九永興二年九月甲寅上諡宣武皇帝葬於盛樂金陵廟號太祖泰常五年改諡曰道武



史臣曰晉氏崩離戎羯乘釁僭偽紛紜豺狼競馳太祖  
顯晦安危之中屈伸潛躍之際驅率遺黎奮其靈武克  
剪方難遂啓中原朝拱人神顯登皇極雖冠履不暇栖  
遑外土而制作經謨咸存長世所謂大人利見百姓與  
能抑不世之神武也而屯厄有期禍生非慮將人事不  
足豈天實爲之嗚呼

魏書卷二終

魏書卷三

太宗紀第三

皇明朝列大夫國子監祭酒臣李廷機

承直郎國子監司業臣方從哲等奉

勅重校刊

太宗明元皇帝諱嗣太祖長子也母曰劉貴人登國七  
年生於雲中宮太祖晚有子聞而大悅乃大赦天下帝  
明叡寬毅非禮不動太祖甚奇之天興六年封齊王拜  
相國加車騎大將軍初帝母劉貴人賜死太祖告帝曰  
昔漢武帝將立其子而殺其母不令婦人後與國政使  
外家爲亂汝當繼統故吾遠同漢武爲長久之計帝素



純孝哀泣不能自勝太祖怒之帝還宮哀不自止日夜號泣太祖知而又召之帝欲入左右曰孝子事父小杖則受大杖避之今陛下怒盛入或不測陷帝於不義不如且出待怒解而進不晚也帝懼從之乃遊行逃於外天賜六年冬十月清河王紹作逆太祖崩帝入誅紹壬申卽皇帝位大赦改年爲永興元年追尊皇妣爲宣穆皇后公卿大臣先罷歸第不與朝政者悉復登用之詔南平公長孫嵩北新侯安同對理民訟簡賢任能彝倫攸敘閏十月丁亥朱提王悅謀反賜死詔都兵將軍山陽侯奚斤巡行諸州問民疾苦撫恤窮乏十有二月戊戌封衛王儀子良爲南陽王陰平公元烈進爵爲王高涼王樂真改封平陽王己亥帝始居西宮御天文殿蠕蠕犯塞是歲乞伏乾歸據金城自稱秦王高雲爲海夷馮跋所滅跋僭號自稱大燕天王

二年春正月甲寅朔詔南平公長孫嵩等北伐蠕蠕平陽民黃苗等依汾自固受姚興官號并州刺史元六頭討平之二月癸未朔詔將軍于栗磾領步騎一萬鎮平陽夏五月長孫嵩等自大漠還蠕蠕追圍之於牛川壬申帝北伐蠕蠕聞而遁走車駕還幸參合陂秋七月丁巳立馬射臺於陂西仍講武教戰乙丑車駕至自北伐



八月章武民劉牙聚衆反山陽侯奚斤討平之九月甲寅葬太祖宣武皇帝於盛樂金陵冬十有二月辛巳詔將軍周觀率衆詣西河離石鎮撫山胡是歲司馬德宗將劉裕滅慕容超於廣固

三年春二月戊戌詔曰衣食足知榮辱夫人饑寒切已唯恐朝夕不濟所急者溫飽而已何暇及於仁義之事乎王教之多違蓋由於此也非夫耕婦織內外相成何以家給人足矣其簡宮人非所當御及執作伎巧自餘悉出以配鰥民已亥詔北新侯安同等持節循行并定二州及諸山居雜胡丁零問其疾苦察舉守宰不法其冤窮失職疆弱相陵孤寒不能自存者各以事聞昌黎遼東民二千餘家內屬三月己未詔侍臣常帶劔夏四月戊寅河東蜀民黃思郭綜等率營部七百餘家內屬五月丁卯車駕謁金陵於盛樂己巳昌黎王慕容伯兒謀反伏誅六月姚興遣使來聘西河胡張賢等率營部內附秋七月戊申賜衛士脯三日布帛各有差辛酉賜附國大人錦罽衣服各有差八月戊寅詔將軍東州侯尉古真統兵五千鎮西境太洛城冬十二月甲戌蠕蠕斛律宗黨吐觝于等百餘人內屬甲午詔南平公長孫嵩任城公嵇拔白馬侯崔玄伯等坐朝堂錄決囚徒務



在平當

四年春二月癸未登虎圈射虎賜南平公長孫嵩等布帛各有差夏四月乙未宴羣臣於西宮使各獻直言秋七月己巳朔東巡置四廂大將又放十二時置十二小將以山陽侯奚斤元城侯元屈行左右丞相己卯大獮于石會山戊子臨去畿陂觀漁庚寅至于濡源西巡幸北部諸落賜以繒帛八月庚戌車駕還宮壬子幸西宮臨板殿大饗羣臣將吏以田獵所獲賜之命民大酺三日乙卯賜王公以下至宿衛將士布帛各有差冬十有一月乙丑賜宗室近屬南陽王良已下至於總麻之親

布帛各有差十有二月丁巳車駕北巡至長城而還是年乞伏乾歸爲兄子公府所殺子熾盤立沮渠蒙遜自稱河西王

五年春正月己巳大閱畿內男子十二以上悉集己卯幸西宮頽拔大渠帥四十餘人詣闕奉貢賜以繒帛錦蜀各有差乙酉詔諸州六十戶出戎馬一匹庚寅大閱於東郊部署將帥以山陽侯奚斤爲前軍衆三萬陽平王熙等十二將各一萬騎帝臨白登躬自校覽焉二月戊申賜陽平王熙及諸王公侯將士布帛各有差庚戌幸高柳川甲寅車駕還宮癸丑穿魚池於北苑庚午姚



興遣使來聘詔分遣使者巡求僑逸其豪門彊族為州  
 閭所推者及有文武才幹臨疑能決或有先賢世胄德  
 行清美學優義博可為人師者各令詣京師當隨才敘  
 用以贊庶政夏四月河東民薛相率部內屬乙巳上黨  
 民勞聰士臻羣聚為盜殺太守令長相率外奔乙卯車  
 駕西巡詔前軍奚斤等先行討越勤部於跋那山夏五  
 月乙亥行幸雲中舊宮之大室丙子大赦天下西河張  
 外建興王紹自以所犯罪重不敢解散庚戌遣元城侯  
 元屈等率眾三千鎮并州乙卯詔會稽公劉潔永安侯  
 魏勤等率眾二千鎮西河六月西幸五原校獵于骨羅

山獲獸十萬獲澤劉逸自號征東將軍三巴王王紹為  
 署置官屬攻逼建興郡元屈等討平之秋七月己巳還  
 幸薄山帝登觀太祖遊幸刻石頌德之處乃於其旁起  
 石壇而薦饗焉賜從者大酺於山下奚斤等破越勤倍  
 泥部落於跋那山西獲馬五萬匹牛二十萬頭徙二萬  
 餘家於大寧計口受田河西胡曹龍張大頭等各領部  
 擁眾二萬人來入蒲子逼脇張外於研子壘外懼給以  
 牛酒殺馬盟誓推龍為大單于奉美女良馬於龍丙戌  
 車駕自大室西南巡諸部落賜其渠帥繪帛各有差途  
 南次定襄大落城東踰七嶺山田於善無川八月癸卯



車駕還宮癸丑奚斤等班師甲寅帝臨白登觀降民數  
軍實曹龍降執送張外斬之辛未賜征還將士牛馬奴  
婢各有差置新民於大甯川給農器計口受田丁丑幸  
材山宮癸未車駕還宮冬十月丁巳將軍元屈會稽公  
劉潔永安侯魏勤等擊吐京叛胡失利潔被傷勤死之  
十一月癸酉大饗于西宮姚興遣使朝貢來請進女帝  
許之

神瑞元年春正月辛酉以禎瑞頻集大赦改元辛巳幸  
繁時賜王公已下至於士卒百工布帛各有差二月戊  
戌車駕還宮是月赫連屈孑入寇河東蒲子殺掠吏民  
三城護軍張昌等要擊走之庚戌幸材山宮西河胡曹  
成吐京民劉初原攻殺屈孑所置吐京護軍及其守三  
百餘人乙卯起豐宮於平城東北夏五月辛酉車駕還  
宮六月司馬德宗冠軍將軍太山太守劉研弟輔國將  
軍領東平太守陽平趙鸞廣威將軍平昌太守羅卓斗  
城屠各帥張文興等率流民七千餘家內屬河西胡會  
劉遮劉退孤率部落等萬餘家渡河內屬戊申幸材山  
宮丁亥車駕還宮秋八月戊子詔馬邑侯元陋孫使於  
姚興辛丑遣謁者悅力延撫慰蠕蠕于什門招諭馮跋  
詔平南將軍相州刺史尉古真與司馬德宗太尉劉裕



相聞使博士王諒假平南參軍將命焉姚興遣使來聘  
冬十一月壬午詔使者巡行諸州校閱守宰資財非自  
家所齎悉簿爲賊詔守宰不如法聽民詣闕告言之十  
二月丙戌朔蠕蠕犯塞丙申帝北伐蠕蠕河內人司馬  
順宰自號晉王太守討捕不獲是歲禿髮傉檀爲乞伏  
熾磐所滅

二年春正月丙辰車駕至自北伐賜從征將士布帛各  
有差二月丁亥大饗于西宮賜附國大渠帥朝歲首者  
繪帛金刻各有差司馬德宗琅邪太守劉朗率二千餘  
家內屬庚子河西胡劉雲等率數萬戶內附甲辰立太  
祖廟於自登之西二月詔曰刺史守宰率多逋慢前後  
怠惰數加督罰猶不悛改今年貲調懸違者謫出家財  
充之不聽徵發於民河西饑胡屯聚上黨推白亞栗斯  
爲盟主號大將軍反於上黨自號單于稱建平元年以  
司馬順宰爲之謀主夏四月詔將軍公孫表等五將討  
之河南流民二千餘家內屬衆廢粟斯而立劉虎號率  
善王司馬德宗遣使朝貢巳卯車駕北巡五月丁亥次  
於參合東幸大甯丁未田于四岬山六月戊午幸去畿  
陂觀漁辛酉次于濡源築立螭臺射白熊於頽牛山獲  
之丁卯幸赤城親見長老問民疾苦復租一年南次石



亭幸上谷問百年訪賢後復田租之半壬申幸涿鹿登  
橋山觀溫泉使使者以太牢祠黃帝廟至廣寧登歷山  
祭舜廟秋七月還宮復所過田租之半九月闕有差河  
南流民前後三千餘家內屬京師民饑聽出山東就食  
冬十月壬子姚興使散騎常侍東武侯姚敞尚書姚泰  
送其西平公主來帝以后禮納之辛酉行幸沮洳城癸  
亥車駕還宮丙寅詔曰古人有言百姓足則君有餘未  
有民富而國貧者也頃者以來頻遇霜旱年穀不登百  
姓饑寒不能自存者甚衆其出布帛倉穀以賑貧窮十  
有一月丁亥幸材山宮庚子車駕還宮

泰常元年春正月甲申行幸材山宮戊子車駕還宮三  
月己丑長樂王處文薨常山民霍季自言名載圖讖持  
一黑石以爲天賜玉印誑惑聚黨入山爲盜州郡捕斬  
之夏四月壬子大赦改元庚申河間王脩薨六月丁巳  
車駕北巡秋七月甲申帝自白鹿陂西行大獮于牛川  
登釜山臨殷繁水而南觀于九十九泉戊戌車駕還宮  
九月戊午前并州刺史叔孫建等大破山胡劉虎渡河  
東走至陳留爲從人所殺司馬順宰等皆死司馬德宗  
相劉裕沂河伐姚泓遣其部將王仲德爲前鋒從陸道  
至梁城兗州刺史尉建畏懦棄州北渡王仲德遂入滑



臺詔將軍叔孫建等渡河曜威滑臺斬尉建於城下冬  
十月壬戌幸材山宮徙何部落庫儻官斌先降後復叛  
歸馮跋驍騎將軍延晉渡濡水討擊大破之斬斌及馮  
跋幽州刺史漁陽公庫儻官昌征北將軍關內侯庫儻  
官提等首生擒庫儻官女生縛送京師幽州平十一月  
甲戌車駕還宮築蓬臺於北苑十二月南陽王良薨是  
歲姚興卒子泓立

二年春二月丙午詔曰九州之民隔遠京邑時有壅滯  
守宰至不以聞今東作方興或有貧窮失農務者其遣  
使者巡行天下省諸州觀民俗問民疾苦察守宰治

行諸有不能自申皆因以聞辛酉司馬德宗滎陽守將  
傅洪遣使詣叔孫建請以虎牢降求軍赴接德宗譙王  
司馬文思遣使王良詣闕上書請軍討劉裕詔司徒長  
孫高率諸軍邀擊劉裕戰於畔城更有負捷帝詔止諸  
軍不克夏四月丁未榆山丁零翟蜀率營部遣使通劉  
裕馮跋使人王特兒等通於司馬德宗章武太守捕特  
兒等囚送京師丁巳幸高柳壬戌車駕還宮五月汝南  
民胡諱等萬餘家相率內屬乙未司馬德宗齊郡太守  
王懿來降車駕西巡至于雲中遂濟河田于大漠秋七  
月作白臺於城南高二十丈司馬順之入常山流言惑



衆稱受天帝命年二十五應爲人君遂聚黨於封龍山  
趙郡大盜趙德執送京師斬之八月劉裕滅姚泓九月  
癸酉司馬德宗平西將軍荊州刺史司馬休之息譙王  
文思章武王子司馬國璠司馬道賜輔國將軍溫楷竟  
陵內史魯軌荊州治中韓延之殷約平西參軍栢謚栢  
璠及栢溫孫道子渤海刁雍陳郡袁式等數百人來降  
姚泓匈奴鎮將姚成都與弟和都舉鎮來降冬十月己  
酉詔司徒長孫嵩等還京師遣叔孫建鎮鄴癸丑豫章  
王夔薨十有一月司徒長孫嵩等諸軍至樂平詔嵩遣  
娥清周幾等與叔孫建討西山丁零翟蜀洛支等悉滅  
餘黨而還復諸州租稅十有二月己酉詔河東河內有  
姚泓子弟播越民間能有送致京師者賞之庚申田于  
西山癸亥車駕還宮氏豪徐駉奴齊元子等擁部落三  
萬於雍遣使內附詔將軍王洛生及河內太守楊聲等  
西行以應之壬申幸大寧長川姚泓尚書東武侯姚敞  
敞弟鎮遠將軍僧光右將軍姚定世自洛來奔是年李  
嵩卒子歆立遣使朝貢

三年春正月丁酉朔帝自長川詔護高車中郎將薛繁  
率高車丁零十二部大人衆北略至弱水降者二千餘  
人獲牛馬二萬餘頭河東胡蜀五千餘家相率內屬三



月司馬德宗遣使來貢庚戌幸西宮以范陽去年水復其租稅夏四月己巳徙冀定幽三州徙何於京師五月丙午詔叔孫建鎮廣阿壬子車駕東巡至于濡源及甘松遣征東將軍長孫道生給事黃門侍郎奚觀率精騎二萬襲馮跋又命驍騎將軍延會自幽州北趨遼西爲聲勢帝自突門嶺待之道生至龍城徙其民萬餘家而還六月乙酉車駕西返秋七月戊午至於京師八月鴈門河內大雨水復其租稅九月甲寅詔諸州調民租戶五十石積於定相冀三州冬十月戊辰築宮於西苑是歲司馬德宗卒弟德文僭立赫連屈丐僭稱皇帝

四年正月壬辰朔車駕臨河大蒐于犢渚癸卯車駕還宮三月癸丑築宮於蓬臺北司馬德文寧朔將軍平陽太守匈奴護軍薛辯及司馬楚之司馬順明司馬道恭並遣使請降夏四月庚辰車駕有事於東廟遠藩助祭者數百國辛巳南巡幸鴈門賜所過無出今年租賦五月庚寅朔觀漁于灑水己亥車駕還宮復所過一年租賦六月司馬德文建威將軍河西太守馮翊羌酋党道子遣使內屬秋八月辛未東巡遣使祭恒岳甲申車駕還宮所過復一年田租九月築宮於白登山冬十有二月癸亥西巡至雲中踰白道北獵野馬於辱孤山至于



黃河從君子津西渡大狩於薛林山

五年春正月丙戌朔自薛林東還至于屋竇城饗勞將士大酺二日班禽獸以賜之己亥車駕還宮三月丙戌南陽王意文薨夏四月河西屠各帥黃大虎羌酋不蒙娥等遣使內附丙寅起灑南宮五月乙酉詔曰宣武皇帝體道得一天縱自然大行大名未盡美非所以光揚洪烈垂之無窮也今因啓緯圖始覩尊號天人之意煥然著明其改宣曰道更上尊諡曰道武皇帝以彰靈命之先啓聖德之玄同告祀郊廟宣于八表庚戌淮南侯司馬國璠池陽侯司馬道賜等謀反伏誅六月丙寅行

幸翳犢山秋七月丁酉西至于五原丁未幸雲中大室賜從者大酺八月癸亥車駕還宮閏月甲午陰平王烈薨冬十有一月詔驍騎將軍延晉城乾城十有二月丁亥杏城羌酋狄溫子率三千餘家內附是歲劉裕廢殺其主司馬德文僭自稱皇帝號宋李歆爲沮渠蒙遜所滅歆弟恂自立於敦煌

六年春正月辛未行幸公陽二月調民二十戶輸戎馬一匹大牛一頭三月甲子陽平王熙薨乙亥制六部民羊滿百口輸戎馬一匹發京師六千人築苑起自舊苑東包白登周回四十餘里夏六月乙酉北巡至蟠羊山



秋七月西巡獵于祚山親射虎獲之遂至于河八月庚子大獮于犢渚九月庚戌車駕還宮壬申劉裕遣使朝貢冬十月己亥行幸代十有二月丙申西巡狩至于雲中是歲沮渠蒙遜滅李恂

七年春正月甲辰朔自雲中西行幸屋竇城賜從者大酺三日蕃渠帥繪帛各有差二月丙戌車駕還宮賜從者布帛各有差大饗于西宮三月己丑河南王曜薨夏四月甲戌封皇子燾爲泰平王燾字佛釐拜相國加大將軍丕爲樂平王加車騎大將軍彌爲安定王加衛大將軍範爲樂安王加中軍大將軍健爲永昌王加撫軍

大將軍崇爲建寧王加輔國大將軍俊爲新興王加鎮軍大將軍獻懷長公主子嵇敬封長樂王拜大司馬大將軍初帝素服寒食散頻年動發不堪萬機五月詔皇太子臨朝聽政是月泰平王攝政劉裕卒子義符僭立秋九月詔假司空奚斤節都督前鋒諸軍事爲晉兵大將軍行揚州刺史交阯侯周幾爲宋兵將軍交州刺史安固子公孫表爲吳兵將軍廣州刺史前鋒伐劉義符乙巳幸灑南宮遂如廣甯己酉詔泰平王率百國以法駕田于東苑車乘服物皆以乘輿之副辛亥築平城外郭周回三十二里辛酉幸橋山遣使者祠黃帝唐堯廟



因東幸幽州見耆年問其所苦賜爵號分遣使者循行  
州郡觀察風俗冬十月甲戌車駕還宮復所過田租之  
半奚斤伐滑臺不克帝怒議親南討爲其聲援壬辰車  
駕南巡出自天門關踰恒嶺四方蕃附大人各率所部  
從者五萬餘人十有一月泰平王親統六軍出鎮塞上  
安定王彌與北新公安同居守丙午曲赦司州殊死已  
下劉義符東郡太守王景度棄滑臺走詔成臯侯元苟  
兒爲兗州刺史鎮滑臺十有二月遣壽光侯叔孫建等  
率衆自平原東渡徇下青兗諸郡劉義符兗州刺史徐  
琰聞渡河棄守走叔孫建遂東入青州司馬愛之秀之  
先聚黨濟東皆率衆來降

八年正月丙辰行幸鄴存恤民俗司空奚斤旣平兗豫  
還圍虎牢劉義符守將毛德祖距守不下河東蜀薛定  
薛輔率五千餘家內屬蠕蠕犯塞二月戊辰築長城於  
長川之南起自赤城西至五原延袤二千餘里備置戍  
衛三月乙巳帝田於鄴南韓陵山幸汲郡至于枋頭乙  
卯濟自靈昌津幸陳留東郡乙丑濟河而北西之河內  
造浮橋於冶坂津夏四月丁卯幸成臯城觀虎牢而城  
內乏水懸綆汲河帝令連艦上施輶輜絕其汲路又穿  
地道以奪其井遂至洛陽觀石經蠻王梅安率渠帥數



千人來貢方物閏月己未還幸河內北登太行幸高都  
虎牢潰獲劉義符冠軍將軍司州刺史觀陽伯毛德祖  
冠軍司馬滎陽太守翟廣建威將軍竇霸振武將軍姚  
勇錯振威將軍吳寶之司州別駕姜元興治中竇溫士  
衆大疫死者十二三辛酉帝還至晉陽班賜從官王公  
已下逮於厮賤無不霑給五月丙寅還次鴈門皇太子  
率留臺王公迎于句注之北庚寅車駕至自北巡六月  
己亥太尉宜都公穆觀薨丙辰北巡至於參合陂遊于  
蟠羊山秋七月幸三會屋侯泉詔皇太子率百官以從  
八月幸馬邑觀于灑源九月乙亥車駕還宮詔司空奚

斤還京師昌平侯娥清交阯侯周幾等鎮枋頭劉義符

穎川太守李元德竊入許昌詔周幾擊之元德遁

字許昌還軍枋頭冬十月癸卯廣西宮起外垣牆周回

二十里十有一月己巳帝崩於西宮時年三十二遺詔

以司空奚斤所獲軍實賜大臣自司徒長孫嵩已下至

士卒各有差十有二月庚子上諡曰明元皇帝葬于雲

中金陵廟稱太宗帝禮愛儒生好覽史傳以劉向所撰

新序說苑於經典正義多有所闕乃撰新集三十篇採

諸經史該洽古義兼資文武焉

史臣曰太祖英雄北驅朔漠末年內多釁隙明元抱純



魏書卷三  
帝紀  
三  
孝之心逢梟鏡之禍權以濟事危而獲安隆基固本內  
和外輯以德見宗良無愧也

魏書卷三終



